

Katonda w'Omulembe Guno Omubi

Jeffersonville, Indiana USA

Agusito 01, 1965

1 Ebiteeso nga bwe byasomebwa ow'Oluganda Neville. -Omuk.

2 Ebantu biyinzika, kkiriza bukkiriza;

Kkiriza ggwe, kkiriza ggwe,

Byonna biyinzika, bw'okkiriza. . .

Katukoteke emitwe gyaffe.

Ow'omukwano Kitaffe ow'omu Ggulu, tuli basanyufu amakya ga leero nti tusobola okukkiriza. Kisobose olw'Omusaayi ogwayiibwa ogw'Omwan Wo, Yesu, nti tusobole okubeera abagabana ku kisa Kye; okufuuka abaana ba Katonda ab'obulenzi era n'abobuwala, okuyita mu kugonda Kwe eri okufa ku musalaba, era tuggibweko omusango nga tuyita mu kumukkiriza era n'okuzuukira Kwe, era kaakano Omwoyo Omutukuvu afukiddwa n'omuyiika mu mitima gyaffe.

Tuli basanyufu olw'omukisa guno okujja wano amakya ga leero okugabana ebirowoozo byaffe era n'okusinza kwaffe, okwoleka okuyita mu nnyimba, obujulizi, okusoma Zabbuli, okusoma Ekigambo Kyo, era n'okulindirira n'obuwombeefu eri Omwoyo Omutukuvu okutuwa Obubaka obwateekebwateekebwa ku lw'esaawa eno. Kituve, Mukama. Leka tuganyulwe mu kubeerawo kwaffe wano leero. Era bwe tunaava mu kizimbe, leka twogere ng'abo abali bava mu Emawo, "Emitima gyaffe tegyatutyemuse munda mu ffe bwe yabadde Ayogera naffe amakya ga leero?" tuwe ebantu bino, Katonda ow'oluberera, mu Linnya lya Yesu Kristo. Amiina.

Mutuule.

Amakya amalungi, ab'ebikwano, wano, wonna mu kupjaaniro era n'eri mikwano gyaffe ebweru eyo okwetooloola eggwanga, eyo yonna okuva ku mbalama z'ebuvanjuba, mu mambuka era ne mumaserengeta, abateeze okuyita ku masimu.

Lunaku lulungi wano mu Indiana, obudde bwa kiddedde, buweweetu, bulungi nnyo. Ekuŋjaaniro libooze, wabweru mu lugya era n'okwetooloola ebisenge. Tuli wansi w'okusuubira okw'amaanyi Mukama okutukyalira leero. Era tusuubira nti Katonda abawadde olunaku olulungi yonna gye muli. Era olunaku lulungi, kubanga Mukama alutuwadde. Sinsonga embeera y'obudde eri etya, lunaku lulungi. Tuli basanyufu okubeera wano, era tuli basanyufu nti tulina omukisa okulaga ensi okukkiriza kwaffe mu Yesu Kristo. Era twagala okukoza buli mukisa gwe tusobola okulaga okwagala Kwe era ne by'Atukoledde. Olwa leero tuli...

3 Ekiseera kitono ekiyise, nnaweedreddwa, okulanga ekirango, era nate nnina ebantu bitono wano bye nnandyagadde okwogera. Era ekimu ku byo, ekirango ekyampeerreddwa kikwata ku lukunjaana Iwa kakiiko ekiro kiri. Era waaliwo omudikoni omu okuva mu kkanisa eyagenze okubeera mu Arizona, era ye w'oluganda Collins, muganda waffe ow'ekitiibwa. Era nga taliiwo, akakiiko, kalonze ow'Oluganda Charlie Cox okutwala ekifo kye ng'agenze. Era ow'oluganda alondeddwa abawanika mu butongole... oba akakiiko k'abadikoni ak'ekkanisa eno, okutwala ofiisi y'Owoluganda Collins, nga taliiwo.

4 Era ekintu kye njagala okwogera, nate, njagala okubeebaza abantu mmwena, kubanga abamu ku mmwe muyinza okuddayo eka ng'olukunjaana lw'okuwonyezebwa telunnaba kubeerawo leero, olw'obulabo obutono obulungi, obulabo. Batuleetedde emmere nnyingi nnyo bukya tubeera wano. Era okuva eri mukyala wange era nange, ne Famire yange, mu mazima tubeebaza. Ebiseera ebisinga nneerabira n'okubaako kye nkyogerako. Eby'okukola bingi, nga bwe mumanyi. Ebirowoozo byange buli kiseera bibeerako ebantu bingi. Musobola okutebereza bwe kiri, eri abantu, si wano wokka ku kkanisa eno, wabula okuva mu nsi yonna. Mulaba? Era ebyo mu ngeri emu oba endala bikukumira mu kulowooza okungi buli kiseera.

Waliwo abadde ayogera ku by'okuwaayo abaana, era n'enkuŋjaana z'okubatiza, era n'ebirala. Ekyo kirungi nnyo. Kale singa nsobola okubikola, naye bingi nnyo, sitera kuba na budde. Nnina okukuma ebirowoozo byange nga bitereevu ku kino, Obubaka buno. Omanyi Baibuli yagamba Abatume nti, oba. . Abatume, manyanga, mu Baibuli, yagamba nti, "Mugenda mwekebere, mwekka na mwekka, abasajja ab'empisa ennungi, era ab'esigwa era nga bajjuziddwa Omwoyo Omutukuvu, nti basobole okukola emirimu." Era nnagamba Billy. . .

N'agamba nti, "Ogenda kuwongayo omwana ono ku mulundi guno, Taata?"

Ne njamba, nti "Oh, abaffe!" Mulaba? Singa. . .tulinawo bangi nnyo abalindiridde okuwongebwayo, ekyo bwe kiri, nneetaaga kukomawo era nteekewo olunaku olw'enjawulo nga Iwa kuwongayo baana. N'olwekyo nnandyagadde ekyo okukikola, kaakati.

5 Naye twagala okwebaza buli omu okuva ku mitima gyaffe; omukyala, Nze, era ne famire yaffe. Abantu batuleteera emmere y'omumikebe, ebijanjaalo, zi meroni, ensujju, oh, ensaali. Buli kintu kyonna ekisobola okulowoozebwako, bakireeta.

Ow'oluganda ow'omuwendo era ne muganda we, olunaku Iwa luli, batuletera Ssekkokko ennene ennyo. Nkyagiryako. Era mazima kiri. . . Oh, era nnina okusooka okubirongoosa nga sinnaba kugenda, bwe nteebereza. Naye era bwe sikikola, ajja kukitusonyiwa. Era kati tujja. . . mu mazima tubeebaza olw'ebintu bino byonna. Abantu abasinga obungi mbamanyi; abamu sibamanyi. Babeera balindiridde kukabalaza k'ekkanisa nga tuyingira. Era mu mazima mbeebaza olw'ebyo.

Era bangi be mmanyi. Nnina. . . bangi mbalabye, era waliwo n'abala bangi besisobola kulaba. Ndi mukakafu nti buli muntu yenna akitegera nti nnandyagadde okutuuka ku buli muntu singa nsobola, naye ndi omu nzekka. Mulaba? Sisobola kutuuka ku buli muntu yenna. Nkola buli kintu kyonna kye mmanyi engeri y'okukikolamu.

6 N'olwekyo, Katonda Abere nammwe. Ndi mukakafu nti waliyo omu ajja okubeera nammwe; ng'ono Ye Yesu Kristo, era Asobola okukibeera. Ye muntu yekka abeera buli wantu wonna. Era alina amaanyi gonna, n'olwekyo, asobola okugabirira buli kyetaago kyonna. Era, Amanyi byonna, era Amanyi ebyetaago byo, ebyo by'oagala.

Ndagira nti ssijja. . . mbadde ngezaako okwanguwa mu bwangu nga bwe nsobola, era n'okuva bwe nnabadde wano amakya ga leero, era nja kufuna buli muntu yenna nga bwe nsobola. Era singa mbeerako ne kye nsubwa, Katonda Ayinza byonna ajja kugabirira ebyetaago byammwe okusinziira ku bugagga bwe obuli mu kituibwa.

[ow'Oluganda Branham n'ayimiriramu katono, olwo ayogera n'Owoluganda Neville -Omuk.] Ekyo sisobola kukisoma bulungi nnyo. Onaakisoma?

Kirango kya njawulo mu ngeri emu. Era ndowooza Billy Paul ye yakiwandiise. Kale alinga nze; sisobola na kusoma mukono gwange. Kale, mpandiika ebyange mu bufunze. Era singa musobola okulaba ku bimu bye mpandiika wano, bye nnawandiise wano, olowooza osobola okubitegeera? [ow'Oluganda Branham alaga ekibiina bye yawandiise, era n'aseka awamu nabo -Omuk.] nnina ekiringa emmunnyeenye, esala olutindo, byonna. . .

[ow'Oluganda Neville n'asoma ekirango -Omuk.] Ow'oluganda Adair, Adair ow'omu Arkansas, ajja kulaba Rev. Pearry Green emabega w'ekkanisa, mbagirawo. Bwe kiri.

7 Kaakano, ekintu ekirala kye nandyagadde okulanga wano, ekiro kya leero waliyo olukunjaana lw'okuwonyezebwa. Tugenda kusabira abalwadde ekiro kya leero, era nzikkiriza nti mujja kubeerawo wano.

Era tusinda okulamusa kwaffe eri abantu bona mu ggwanga lyonna, mu Linnya lya Mukama waffe Yesu, nti Katonda Anaabawa omukisa amakya ga leero. Abamu ku mmwe muzuukuka nga ssaawa zigenderera kuwera mukaaga. Engulu eyo mu New York, ssaawa nga zigenda mu mukaaga. Era ebweru eyo mu Arizona, ku lubalama lw'ebugwanjuba, essaawa ziri mu emu. Kati ffe wano tuli wakati. N'olwekyo Katonda Abawe omukisa nga muwuliriza. Kaakati kino kiyinza okuba. . .

NKitadde ku mutima gwange, nti nga ndi wano. . .

8 Era ne batanzikiriza kufuna kizimbe kinene, naye ate oluvannyuma ne batuwa olukusa; nga tusobola okubayo n'olukunjaana lumu, naye nga tetujja kusabira mulwadde yenna. Nze si. . . naye obwo bwe buweereza bwange. Nteekeddwa okukola Omwoyo Omutukuvu kyanjamba okukola. Kati olwo ne nkigaana, kubanga nze njagala okuba n'emirembe okukola kyonna Omwoyo Omutukuvu kyanjamba okukola. Mulaba? N'olwekyo nnalowoozezza nti tosobola okubonaabonayo olunaku lumu olulala, bwe tutyo, mu kujjaaniro. Ate mbeera mpeweewu amakya ga leero. Mukama Atukoledde olunaku olulungi wano, n'olwekyo tumwebaza.

9 Kaakano, mu kukola kino, nkomyewo wano n'ekigendererwa eky'okusomesa ku bibya, Ebibya Omusanvu ebisembayo, era n'Amakondeere Omusanvu agasembayo, era n'Ebibwatuka Omusanvu ebisembayo, eby'ekitabo eky'Okubikkulirwa, nga tubigezaako wamu mu ssaawa eno gye tulimu; okugoberera okubikulibwa kw'Envumbo Omusanvu, Emirembe Omusanvu egy'Ekklesia. N'olwekyo, tetusobola kufuna budde kubikola ebyo. N'olwekyo nsuubira nti, mu bwangu ennyo nga bwe nsobola, tujja. . . kufuna ekifo ekimala olw'ebyo, wano oba mu Louiseville, New Albany, oba tuteekewo weema, olwo tuba tusobola okubeerawo nga Mukama bw'Atulunjjaamya.

Kale mu kino ntutte omukisa okulaga abantu kye nzikiriza n'okukkiriza kwange mu Katonda, olwo mbleete mu ssaawa gye tulimu. Era mu kino, tekiteekeddwa ku muntu yenna, ekiyiye, na buli kyonna kye kiyinza okuba; kiringa bwe ndaba Ekigambo kya Katonda. Awo nno ku Sande ewedde twabaddde n'okufuka okw'Omwoyo ku Kigambo. Kwabaddde kuwanvu era ne ntuuka okukoowa olw'okulwawo; kyokka ate nga

tetumanyi kiseera kye tugenda okusembayookukunjaana. Kale tuteekqa... kye tetwetaaga okuba. Waakiriri njagala okuba nga Pawulo edda bwe yagamba nti "Sekeka okubabuulira okuteesa kwa Katonda kwonna." ne Yesu yagamba nti talina kye yalekayo eri abayigirizwa Be

Era nga nze, nga nkola nnyo ngha ngezaako okusigala wansi wa mafuta ag'Omwoyo Omutukuvu, okutegeera kiki essaawa, Obubaka bw'ekiseera kye buli, ebiseera ebimu nnemererwa okuvaayo era nkole omulimu gwange ng'omuddu wa Kristo, ng'omuweereza. Naye nnina abasajja ab'enjawulo abagezaako okunnyambako okukola kino, ekintu nkye mbeebaliza, ab'oluganda abaweereza bannange bona.

10 Kaakano, sikegeeza kugezaako kwe kuumirako bantu. Singa mmwe, ebweru eyo mu nsi Obubaka gye bugenda, musobola okuyimirira era ne mutunulira okwetoloza ekkanisa eno amakya ga leero, mu nkuubo, mu muddo, wabweeru, abataddeko leediyo, mu bbaasi, mu loole, era n'ebirala, abali mu mmotoka, mwandisobodde okulaba obuzibu. Era kati buli lukunjaana, bangi, bangi abavugga okujja; era nga bakuba amasimu, era n'ebirala ne batasobola na kuyingira oba n'okumpi wano. Era twetaaga ebisenge ebisingako abantu basobole okutuula ngaera bakkalire bulungi.

Kati awo mbaleetere Obubaka bwe ndowooza nti bwamakulu nnyo era bwa mugaso, muli mpulira nti tugwanidde, buli omu yenna, alina okukkalira ng'atudde, kati olwo tusobola okuwuliriza; nga tulina ekkalaamu zaffe n'empapula, era bye tuwandiika ne Baibuli, era n'ebirala, okuwandiika bye tusomye. Naye mu ngeri bw'eti nnalowoozeza nti nja kuddayo mu biseera bye tulina, bye tulimu, era ngezeeko okuleeta ebimu ku bintu bino bye mugenda okusisinkana. Era nga mugenda kubyetaaga.

11 Singa nzija wano leero, oba olunaku olulala lwonna, oba omuweereza omulala yenna, n'agezaako okuleeta Obubaka eri abantu, abantu abafa nga bwe tuli, era nga n'ebiseera bisembede nnyo, nga bwe nzikiriza eri olunaku luno; nja kubeera munnanfuusi okugezaako okuleeta ekintu kye mmanyi nti kijja kubasanyusa naye ng'ate kikontana n'Ekgambo kya Katonda, oba ekintu eky'okusika ebibinja, oba ekintu ekiringa bwe kityo; ssandibadde.. .ssandibadde ekyo kye nteekeddwa okuba wano, omuweereza wa Kristo. Njagala ndeete ekintu ekyo kye ndowooza nga kya makulu kya mugaso gye muli, si kundaba bulabi; wabula ndowooza ekintu nga singa nfa olwa leero, enkyia kijja kusigala mu mitima gyammwe era musigale nga mweyongera mu maaso n'okuweereza Katonda.

12 Kaakati njagala kugamba nti waliwo ekintu ekyeteseteese okutuukawo. Nze nkimanyi. Bangi ku mmwe abali wano mujukira ow'Oluganda Junior Jackson bwe yajja gye ndi emabegako nga tannaba kugenda ku ludda Iw'omu Arizona, ku kirooto kye yafuna. Ekintu ekitali kya bulijjo! Bameka abakijukira ekyo? [Ekibiina kigamba nti, "Amiina." -Omuk.] era Mukama n'Atuwa okuvvuunulwa, era kyatuukirira kyonna. Kaakano, yafunye ekirooto ekirala, ekintu ekimu.

Era ekintu ekyewuunyisa, omusajja yali wano ku lunaku luli, okuva mu Oregon. Tamanyi yadde, era yali. . .yaloota ekintu ky'ekimu ku ekyo, ekyo Junoir Jackson kye yaloota, era n'akijnjamba. Simanyi kye kitegeeza; nnindiridde Mukama. Naye mmanyi nti kigenda kuba kintu ekivudde eri Katonda. Ekyo mukijukire. Kiri, BW'ATI BW'AYOGERA MUKAMA. Ekintu ekimu ekiva eri Katonda. Simanyi ki kye kiri. Mu mazima kyewuunyisa, kyewuunyisa nnyo! Mu butuufu, okusinziira ku birooto abasajja bombi. . .omu ku bo nandi. . .ayinza okubeera Omubaptist, oba Omupresbyterian. Ayinza okuba ng'atudde atudde wano amakya ga leero. Simanyi. Yali wano ku lunaku Iwa luli. Omusajja oyo simumanyi.

Naye yategeeza ekirooto, nga n'amaziga gali mu maaso ge. Era kyamunyenya. Aviira eyo ddala mu Oregon okukyolesa. N' Owoluganda Jackson yazze mu ngeri y'emu, amakya ga leero. Omusajja omu nga munne tamumanyi; nkumi na nkumi za mmayiro omu okuva eri omulala, era ebirooto byombi nga biri ku kintu ky'ekimu. Naye Omwoyo Omutukuvu akyankwese okuvvuunulwa kw'ekirooto kino. Simanyi kyakugamba musajja ono. Naye mmanyi nti Katonda atekateeka okubaako ky'Akola, era kijja kuba kya kitiiibwa mu maaso gaffe.

13 Kaakati, Obubaka amakya ga leero, njagala okusoma okuva mu kitabo kya Abaggalatiya. Sibuulira oba nti. . .lino ssomo lya Sande Sukuulu. Era kaakano, basajja mmwe era n'abakazi abayimiridde ku bisenge, omuntu omu bw'aba ayagala akyuseemu era abeeko gwaleka atuuleko wansi okumala akaseera, oba ekintu ng'ekyo, kaakano, temufaayo; mubeere bu beezi bawombeefu. Era sing ba maama, abato bakaaba oba ekiringa ekyo, omuntu yenna asobola okuva mu kifo ky'abaana awo nno basobole okufuunira abaana baabwe abato we babateeka.

Kati kaakano mukwate ekkalaamu zammwe, Baibuli, era mwetegeke okubaako Ebyawandiikiba bye muwandiika bye tujja okusoma. Ssaagala muwuulire ng'abasibiddwa wansi. Njagala muwulire nga muli ba ddembe okutuula era muyige. Era muyinza obutakiriziganya nange, tewali mutawaana. Naye kino nkyogera eri eggwanga lyonna amakya ga leero, kati awo abantu abakkiriza Obubaka buno Mukama bw'Ampadde ku Iw'essaawa eno, basobole okutegeera kiki ekigenda mu maaso, era bakiteeke mu Byawandiikiba.

14 Sande ewedde twayogera ku *Abafukibwaako Amafuta mu Nnaku ez'Oluvanyuma*. Era singa, omuntu yenna ku mmwe, nga muwuliriza obutambi, mu kakase nti mufuna akatambi ako. Sikubanga twagala

okutunda obutambi; ekyo si ky'ekirowoozo. Ekirowoozo kya kuggyayo Obubaka. Mulaba? Mulaba? Bw'oba olina ekyuma ekizannya obutambi, kunjaanya ekibinja ky'abantu awantu awamu, okazanye, era muwulirize n'obwegendereza. "Abaifikibwaako amafuta."

Owlira abantu nga bagolokoka era nga bagamba nti, "Oh, Baibuli yagamba nti, 'Ennaku ez'oluvannyuma, bannabbi ab'obulimba balijja era bakole obubonero buno.'" Ky'ekyo Ekyawandiikibwa kyennyini. Olwo wa we kikolera? Kirina okukozesebwa bulungi.

Olwa leero njagala kwogera ku, Mukama bw'Anaaba akkiriza: Katonda Abikuliddwa mu Kigambo Kye, ng'eriiso bwe litasobola kuteekebwa okutu we kugwanidde okubeera. Mulaba? Kiringa okufulumya Baibuli yonna, era, mu Baibuli yonna, mulimu kifanaanyi kya Yesu Kristo. N'olwekyo njagala kwogera ku ekyo leero, Mukama bw'Anaba ayagadde. Era kaakano, oba si leero, olunaku olulala lwonna.

15 Kaakano mu kitabo kya Abaggalatiya. Era ne mu kitabo ekya Abakkolinso eky'Okubiri 4:1 okutuuka ku 6, ne Abaggalatiya 1:1 okutuuka ku 4, nandiyagadde okusoma ku Byawandiikibwa. Kaakati mu Abaggalatiya 1:1 okutuusa ku 4 "Pawulo, omutume," tunulira we yakoma mu bwangu. Omutume kitegeezza "Oyo atumiddwa," oba "Omuminsaani."

Pawulo omutume (ataava mu bantu newakubadde okuyita eri omuntu, wabula eri Yesu Kristo ne Katonda Kitaffe, eyamuzuukiza mu bafu),

N'aboluganda bona abali nange tubawandiikidde ekkanisa ez'e Ggalatiya:

Ekisa kibenga gye muli n'emirembe ebiva eri Katonda Kitaffe, ne Mukama waffe Yesu Kristo,

Eyewaaayo olw'ebibi byaffe, alyoke atuggye mu mirembe gino egiriwo emibi nga bwe yayagala Katonda era Kitaffe:

Aweebwenga ekitiibwa emirembe n'emirembe. Amiina.

16 Kaakano mu kitabo ekya Abakkolinso eky'Okubiri, essuula 4 era tugenda kusoma okuva 1 okutuusa ku lunyiriri olwo 6.

Kale, kubanga tulina okuweereza okwo, nga bwe twasaasirwa, tetuddirira:

Naye twagaana eby'ensonyi ebikisibwa, aga tetutambulira mu bukuusa, so tetukyamya kigambo kya Katonda; naye olw'okulabisa amazima nga twetendereza eri omwoyo gwa buli muntu mu maaso ga Katonda.

Naye okubikkibwako oba ng'enjiri yaffe ebikkibwako, ebikkibwako mu abo ababula:

Ekyo bwekiba nga tekireetamu okuteekebwateekebwa okwedda, simanyi kiki kye kikikola.

Katonda ow'emirembe gino be yaziba amaaso g'amagezi gaabwe abatakkiriza, omusana gw'enjirir eya Kristo, oyo ky'ekifaananyi kya Katonda, gulemenga okubaakira:

Kubanga tetwebuulira fekka, wabula Kristo Yesu nga ye Mukama waffe, naffe nga tuli baddu bammwe ku lwa Yesu.

Kubanga Katonda ye yayogera nti Omusana gulyaka mu kizikiza, eyayaka mu mitima gyaffe, okuleeta omusana ogw'okutegeera ekitiibwa kya Katonda mu maaso ga Yesu Kristo.

17 Amiina! Bwe kityo Ekigambo bwe kisoma! Kaakano, eky'okuyiga kyange amakya ga leero, kiri: Katonda w'Omulembe guno Omubi. Nga bwe tusomye mu Byawandiikibwa, "Lubaale w'ensi eno, omulembe guno omubi." Kaakano, Obubaka buno buggyayo obubi obw'omulembe guno omubi, era kituukirira ddala mu bunnabbi obw'omulembe guno omubi.

Kwe kukkiriza kwange nga buli... Nga Baibuli erina eky'okuddamu ekya buli mulembe, nga kyawandiikibwa mu Baibuli eri omukkiriza ow'omulembe ogwo. Nzirkiriza nti buli kintu kye twetaaga, kiwandiikkidwa butereevu muno, nga kyetaaga bwetaazi okuvvuunulwa n'Omwoyo Omutukuvu. Ssikkiriza ng'omuntu yenna alina olukusa okuteekkako okuvvuunula kwe ku Kigambo. Katonda tayagala muntu yenna kuvvuunula Kigambo Kye. Yagamba nti Ajja kukikola era n'Akikola.

Nga bwe njogeddenga. Yagamba nti, "Omuwala atamanyi musajja aliba olubuto," ekyo Yakyogera okuyita mu mimwa gya nnabbi, era ne kibeerawo. Tewali muntu yenna atekeddwa ku kivvuunula ekyo. Ku lubereberye, yagamba nti, "Leka wabeewo obutangaavu," era nebubeerawo. Tewali muntu yenna atekeddwa ku kivvuunula. Yagamba nti, "Mu nnaku ez'oluvannyuma, Alifuka Omwoyo gwe ku bona abalina omubiri," era Yakikola. Teyetaaga muntu yenna kukivvuunula. Yagamba nti, "Mu nnaku ez'oluvannyuma, ebintu bino" (bye tulaba nga bituukawo) "Bijja kuberawo wano." Teyetaagisa kuvvuunulwa kwonna. Kyavvuunulwa dda. Mulaba?

18 Kaakano, mwetegereze bulungi nnyo nga bwe tuyiga Ekigambo. *Katonda w'Omulembe Guno Omubi*, ogwo gwe tulimu kaakano. Kiyinza okulabika ng'ekitali kya bulijjo, ekintu ekyewuunyisa ennyo, mu mulembe guno ogw'ekisa, "Katonda mw'Atwalira abantu olw'Erinnya Lye," Oyo nga ye Mugole We, mu mulembe guno omukyamu oguteekeddwa okuyitibwa omulembe gw'obubi. Omulembe gwennyini nga "Katonda ayita abantu olw'Erinnya Lye," olw'ekisa, gumalirirzibwa, guyitibwa omulembe omubi. Kaakano, tugenda ku kikakasa okuyita mu Baibuli nti guno gwe mulembe gwe yali Ayogerako. Kintu ekyewuunyisa ennyo okukirowoozaako, anti mu mulembe omubi nga guno, Katonda Ajja kuba Ayitayo Omugole We.

Mwetegereze, Yagamba nti, "abantu," so si "ekkanisa." Lwaki? Ng'ate, eyitibwa Kkanisa, naye Ye Ajja kuyita "abantu." Awo nno, ekkanisa libeera kunjaaaniro ery'abantu ab'ebikula eby'enjawulo. Naye Katonda wano Ayita omu. . .teyagamba nti, "Nja kuyita Abamethodist, Ababaptist, Abapentekoote." Yagamba Ajja kuyita abantu. Ng'Abayirira ki? Erinnya Lye. Mulabeeyo, abantu; omu okuva mu Abamethodists, omu okuva mu Ababaptists, omu okuva mu Abalutheran, omu okuva mu Abakatoliki. Mulaba?

Wabula Ye Ali mukuyita, si kibiina kya kkanisa, wabula "abantu olw'Erinnya Lye," oyo afuna Erinnya Lye, atambulira mu Linnya Lye, Agenda mu mbaga okufumbiriganwa naye, okufuuka ekitundu ku Ye, mulaba, okuyita mu kusaanyizibwa okw'edda. Ng'omusajja bw'alonda omukyala omutuufu mu bulamu, nga yayawulibwa okubeera ekitundu ky'omubiri gwe. N'olwekyo, bw'atyo, Omugole wa Kristo bw'ajja okuba, era bw'ali kaakati, okuva edda, yayawulibwa Katonda okubeera ekitundu ku mubiri ogwo. Mulaba? Oh, Ebyawandiikibwa bigagga nnyo, bijjudde omubisi gw'enjuki!

19 Mwetegereze, si kiki omuntu omu ky'agambye, omuntu omu ky'ayise; wabula Katonda kye Yalonda ng'emisingi gy'ensi teginnaba kubaawo, era ali mu kuyitayo abantu bano mu nnaku ez'oluvannyuma; si kibiina. "Omuntu olw'Erinnya Lye." Era mu mulembe guno omubi mwalina okukikolera, omulembe guno gwennyini ogw'obulimba.

Wiiki eyise, mu Matayo 24, gwe gwali omulembe ogusinga okulimba mu mirembe gyonna. Emirembe gyonna eg'yobulimba, okuva mu lusuku Iwa Adeni, okuyitiramu ddala, tewabeerangawo mulembe gulimba nnyo ng'omulembe guno. "Bannabbi ab'obulimba balijja era bakole obubonero n'eb'ewuunyisa, oba nga kisoboka balimbe n'Abalonde." Mulaba? Kaakano, nga mannyogovu, ag'emikolo, amakanisa ga sitakange, n'ebirala, agakoleddwa n'amagezi g'eb'y'eddiini, ebitasobola; Omulonde tasobola kussaayo birowoozo. Naye kiri awo nga ky'ekyaddala. Okulekayo obulesi ekigambo kimu ebweru kyokka nga ky'olina okukola. Ekyasuubizibwa ku lw'omulembe; ekiseera eky'amaanyi ennyo! Abakristaayo, buli wamu wano, mwegendereze essaawa gye tulimu! Mugirambe, era musome, era muwlirize n'obwegendereza.

20 Kiki Katonda kye Yandiyitidde abantu okubajja mu mulembe guno, olw'Erinnya Lye? Ensonga eri nti kugezesha, Omugole We. Kiri nti. . .ng'alabisiddwa, ng'agezeseddwa, ng'akakasiddwa, okukakasa eri Setaani. Nga bwe kyali ku lubereberye, bwe kityo bwe kijja okuba ne ku nkomerero.

Ng'ensigo bw'etandikira mu ttaka, n'evaayo okuyita mu bigyetikka, obulamu bwayo, naye emaliriza ekyali nsigo y'emu nga bwe yali ng'egenda mu ttaka.

Era mu ngeri y'emu ensigo y'obulimba gye yagwamu mu ttaka, mu lusuku Adeni, y'engeri y'emu gy'emalirizaamu mu nnaku ezisembayo.

Ng'enjiri bwe yali bwe yagwa mu kibiina ky'eddiini mu eky'Enikyeya, Ruumi, ekomekkerereza mu kibiina ekisukkulumu.

Mu ngeri y'emu ng'ensigo y'ekkanisa bwe yagwa emabega eyo, n'obubonero, n'eb'ewuunyisa, ne Kristo omulamu mu masekkati gaabwe, kikomekkerereza mu nnaku ez'oluvannyuma wansi w'obuweereza bwa Malaki 4, n'azzaawo nate okukkiriza okwasooka okwaweebwa omulundi ogumu.

21 Tukizuula kaakano nti, omulembe guno omubi gwa kukakasa, eri Setaani, nti Omugole ono talinga Kaawa, nti ye si mukazi kika kiri. Era ajja kugezesebwa n'Ekigambo Kye, Omugole, ng'Omugole wa Adamu bwe yagezesebwa n'Ekigambo. Era Omugole wa Adamu yakiriza buli katundu konna ak'Ekigambo, byonna, naye n'atabulwa ku kisuubizo kimu kyokka, nti, "Ye y'Om, jjo, olwa leero, era n'emirembe gyonna," leero, mulaba; naye yalemererwa kukisuubizo kimu kyokka, wansi w'okukemebwa kw'omulabe, maaso ku maaso. Era kaakano, abantu abayitibwa Erinnya Lye, mu mazima, ye Mugole We, agenda kusisinkana n'ekintu ky'ekimu nate; si na mazima ga bibiina by'amadiini oba ekintu kyonna, naye na buli Kigambo!

Kubanga, mu ntandikwa ya Baibuli, omuntu yaweebwa Kigambo kya Katonda okumubezaawo. Ekigambo kimu, eky'avvuunulwa obubi omusajja ayitibwa Setaani, mu muntu alinga ensolo ayitibwa omusota. Setaani, mu muntu ono, yali asobola okwogera ne Kaawa, era n'amuvvuunulira bubi Ekigambo, era n'ebula. Mulaba, kiteekeddwa kuba Kigambo kyonna.

22 Mu masekkati ga Baibuli, Yesu yajja era n'Agamba nti, "Omuntu tabeerenga mulamu na mmere yokka, naye na buli Kigambo," bwe Yali ng'akemeddwa Setaani.

Kaakano, Katonda ng'Atugamba wano mu nnaku ez'oluvannyuma, nti, "Lubaale w'omulembe guno omubi ajja kugolokoka nate mu nnaku ez'oluvannyuma."

"Era buli yenna ajja okukigatako ekigambo ekimu, oba okukitoolako ekigambo kimu, ekitundu kye kijja kuggibwako okuva mu kitabo eky'Obulamu."

Katonda beera wa kisa gye tuli! Era tuleme kutambula ng'ebitogi biralambadde, ng'ebifuba biri wabweru, emitwe tugiwanise, tubimanyi byonna, kubanga naffe lumu twali mu bujeemu. Leka awamu n'ekisa, era n'okusasirwa, era n'eneewulira mu mitima gyaffe eri Katonda, mu buwombeefu tujje eri Entebe ey'ekisa.

Ekyewuunyisa kaakano, oluvannyuma lw'emyaka lukumi mu lwenda egy'okubuulira Enjiri, era kaakano ye, nga y'enkola y'ensi, mubi nnyo okusinga mu nnaku Kristo, bwe yali ng'Akyali wano. Enkola y'ensi mbi nnyo. Ensi eyolekedde entiiko ey'amaanyi. Ekyo mukimanyi. Mukama Atuukiriza Ekigambo Kye ku buli ludda.

23 Olwa jjo, ng'anyimiridde. . . leka nsuubire nti omelenzi omuto tajja. . . tajja. Nnabadde nzija ne mukyala wange, era ne Muky. Woods, ow'Oluganda Roy Roberson, awantu awamu wano, ow'Oluganda Woods, twabaddde tuyimiriddeko wano ku Youngstown Shopping Center, okufuna ekitereke mwanyinaffe Woods kye yabadde nakyo. Era . . . bwe twabaddde nga tuyimiridde awo, omuvubuka omulala n'ajja gye tuli n'atwelianjulira, era mugwira gye ndi. omuvubuka omuto omulala n'ajja n'agamba nti nga balabika bava mu Alabama, Georgia. . . nzikkiriza mu Georgia, kubanga nnababuuzizza oba bamanyi ow'oluganda Welch Evans. Era ne twogera okumala eddakiika ntono. Era bwe nnabadde njenda, omuvubuka ono omuto n'antunuulira. Ng'omuvubuka oli omulala n'omulenzi omuto nga bagenda, omuvubuka ono n'antunuulira. N'agamba nti, "nninayo ekintu kimu kye njagala okwogera."

Ne mmuagamba nti, "Oli mukkiriza? Oli Mukristaayo?"

N'agamba nti, "Nedda,ssebo." N'agamba nti, "nnina. . ."

24 Nnyinza obutanokola kigambo kyennyni kye yayogera wano, naye ayinza okuba nga yali mu ngeri ya busekerezi. Nnali mmubuuziza ku bintu ebya Malayika wa Mukama eyalabisibwa. Era n'agamba nti yali abiwliddeko, naye tagenda ng'ako mu kkanisa bukyanga abeerawo, ekkanisa eno. Nemugamba nti, "ogikkirizamu?"

Nagamba nti, "Yee, ssebo." N'agamba nti, "Mbadde nnina bye mbadde ndaba." N'agamba nti "Abantu babadde baanjamba ku bino eby'okuteebereza n'ebintu ng'ebyo, era nnawulira ku katambi bwe nteebereza nti California ejja kuggyamu olwatika ebbire bw'etyo." Era nnagamba nti bwe nnakiraba ekyo mu mawulire olwo ne nzikiriza." Nnagamba nti, "njenda kujja leero oba enkyo," nga Iwe Iwa leero, "Omulundi gwange ogusooka."

Ne njamba nti, "Mukama akuwe omukisa, mutabani," era ne mmukwatako mu ngalo ze.

N'agamba nti, "Naye nnina kye njagala okukugamba, ssebo." N'agamba nti, "Nze nnabula nnyo ng'okubula bwe kuba." Nnayogera nti, "nninga ennu eri mu ntuumu y'omusenyu, eyabula!"

Ne mmugamba nti, "Naye toteekeddwa kusigala mu ngeri eyo. Waliwo omuntu ayimiridde wano kaakano asobola okukufunirayo eddakiika gy'osobola okuzuulibwamu."

N'agamba nti, 'Ndi mwetegefu.'

Ne mmugamba nti, "osobola okukoteka omutwe gwo?"

N'agamba nti, "Si k watibwa nsonyi."

Si ekyo kyokka, naye nnafukamira ku maviivi ge, awo awasimba emmotoka, mu maaso g'abantu bona. Abantu ku luguudo nga bamutunuulidde. Awo ne tusaba awamu naye, okutuusa bwe yawa Katonda omutima gwe. Yajja mwonoonyi; yaddayo ng'Omwana wa Katonda. yatambulira ku ludda lw'emmota, nga mufu; era n'addayo nga mulamu.

Ne njamba nti, "Akadiba k'amazzi kajja kubeera kaggule enkyo."

Waliwo ensulo y'Omusaayi,

Ogwa Emmanweri,

Aboonoonyi ab'ennyika omwo,

Banaazibwa ebibi,

Ne njamba nti, "Golokoka era obatizibwe mu Linnya lya Yesu Kristo, okowoole Erinnya lya Mukama. Katonda ajja kukujuza n'Omwoyo Omutukuvu, era Akuwe ebintu bino eby'amaanyi, akuleetere okusobola

okukiraba."

25 Kiki? Ensi eyolekedde ku ntikko. Lwaki? Omwoyo w'obujeemu, obwonoonefu bw'empisa, eddiini y'ekinnassayansi, egituusizza ku "Kaguli akabuli bukyayi bwonna era n'ebinyonyi ebitali birongoofu," nga Baibuli bw'egamba. Katukisome, Okubikkulirwa 18. Nga bwe tutandika ku nsonga eno, leka tugende mu Kubikkulirwa 18:1 okutuuka 5 ndowooza awo wennyini we watuufu.

Oluvannyuma lw'ebyo ne ndaba malayika omulala ng'akka okuva mu ggulu, ng'alina obuyinza bungi; n'ensi n'emulisibwa ekitiibwa kye.

N'ayogerera waggulu n'eddoboozi ery'amaanyi,(kaakati bantu mmwe ababeera n'ebirooto) ng'ayogera nti Kigudde, kigudde Babulooni ekinene, ne kifuuka ekisulo kya balubaale, n'ekkomera erya buli dayimooni, n'ekkomera erya buli nnyonyi embi ekyayibwa.

Kubanga olw'omwenge gw'obusungu (kkanisa) bw'obwenzi bwe amawanga gonna gagudde; ne bakabaka b'ensi ne bayenda naye, n'abatunzi b'ensi ne bagaggawala olw'amaanyi g'obukaba bwe.

Ne mpulira eddoboozi eddala eriva mu ggulu, nga lyogera nti Mukifulumemu, abantu bange, muleme okussa ekimu n'ebibi bye era muleme okuweebwa ku bibonyoobonyo bye.

Kubanga ekibi kye kituuse mu ggulu, era Katonda ajukira obujeemu bwe.

26 Nga kulabula! Ekyo kikasuka ekkanisa okuddayo mu Kubikkulirwa 3:14 eri omulembe gwa Lawodikiya, obujeemu; nga bannaddiini nnyo naye abajeemu. "Ggwe, kubanga oyogera nti, Ndi mugagga, so siriiko kye nneetaaga,' so nga tomanyi ng'oli mmwe munaku ggwe era asaasira era omwavu era omuzibe w'amaaso, kyokka temukimanyi." Kikwataganira ddala n'Ekyawandiikibwa ky'omulembe guno, sikuawandiikibwa ky'omulembe gwa Danyeri, si eri abo mu Linnya lya. . .omulembe gwa Nuuwa, naye mu guno ogusembayo, omulembe omubi.

Mwetegereze, wano, "Muli bwereere." Leka ekyo kinnyikire buziba ddala. Mmanyi nti nnyinza okubeera n'okuwakanyizibwa kungi ku kino, naye kituuse mu kifo nti kumpi Omukristaa talyasobola kufuluma mu nnyumba ye n'atatuuka mu kubeerawo kw'omulembe guno omubi, n'abakazi abambadde engoye ezitabatuuka.

27 Abakazi, njenda kwogera kino, ate njagala muwuliririze. Era, abasajja n'abakazi, muyinza obutakkiriziganya kino, naye mpulira nnujjamizibwa okukyogera. Mumanyi nti, omukazi yenna eyeeyambula bw'atyo abatategeera bulungi? Mukimanyi, bw'ali, oba akikkiriza oba nedda, oba alowooza nti si bwe kiri, Malaaya? Newankubadde omukazi oyo ayinza okuyimirira naye mu maaso ga Katonda era n'ayalira nti takwatibwangako musajja mulala yenna okuggyako omwami we, ate era ago gayinza okuba nga ge Mazima ameesimbu, naye era Malaaya. Yesu bwe yagamba, "Buli atunuulira omukazi okumwegomba, ng'amaze okumwendako." Era omukazi ayinza okubeera nga. . .

Mulaba, ali "bwereere," Baibuli bw'egamba, "Kyokka nga tabakimanyi," Omwoyo ogumufukako amafuta okukola ebintu ng'ebi'omwoyo mubi, guba mwoyo gwa bwamalaaya. Omuntu we ow'okungulu, Omubiri gwe, omubiri gwe, ayinza okubeera ng'atukula. Ayinza obutakola ku bwenzi bwonna, era nga asobola okulayira mu maaso ga Katonda nga ge Mazima, nti takikolanga, naye omwoyo gwe, mwoyo gwa bwenzi. Azibiddwa nnyo amaaso n'omwoyo gw'ensi eno ogw'emisono; ayambala mu ngeri y'ekikaba era n'afuluma ebweru eyo.

28 Olunaku luli, ow'Oluganda Woods nange twali tuteeka eryato lyaffe mu mugga. Nnali njenda kuvaako awaka okumala eddakiika ntono, njende engulu eyo ku mugga. Era nga yonna gy'ogenda, nga abakazi bambahde buno obuntu obuyitibwa obuppare obumpi ennyo obo nga beesibye akantu okwetooloola. Ekyo kya buswavy. Omukazi tayinza kuba ng'ategeera bulungi n'ayambala ekintu kyonna bwe kityo. Aliko omwoyo gw'obwamalaaya. Kaakano, ekyo mukimalirize ne Katonda, abakyala, kubanga olunaku lumu mujja ku kizuula nti ago ge Mazima.

Osobola otya, omukyala, amanyi engeri omubiri gwo guli omutukuvu, ng'ogwanika ebweru eyo eri ba setaani abatambula ku nguudo enaku zino? Bwe baba nga baana ba Katonda, bona nga bakyali baana ba Katonda, ng'omwami wo yali mwana wa Katonda, aba ajja kuleetera okwambala engoye obo akulekewo, singa omulenzi yali mwana wa Katonda, teyandiwazizza kintu ng'ekyo. Mulaba?

Mugamba nti, "Muli ... "Nedda.

Mbabuulira Mazima, era olunaku lumu mujja kubisisinkana. "Abenzi, abali obweerere; ng'ate tebakimanyi."

"Oh, ndayira obutayonoonanga kirayiro kya mwami wange." Omwami wo ajja kukusalira omusango olw'ekyo ky'okola. Naye Katonda ajja ku kusalira omusango okusinziira ku kika ky'omwoyo ogwa kuyingiramu; tajja kukusalira musango na mubiri gwo, naye n'omwoyo gwo, oyo omuntu ow'omunda.

29 Omuntu ow'okungulu omubiri gufugibwa obusimu mukaaga. . .oba manyanga obusimu obutaano. Omuntu ow'omunda muntu ow'omwuyo afugibwa n'obusimu butaano; okulumirizibwa, okwagala, n'ebirala. Oomuntu ow'okungulu; kulaba, kuloza, enneewulira, okuwunyiriza, okuwulira.

Naye munda mu mwoyo, mmeeme, era eyo efugibwa ekintu kimu kyokka. Okusalirawo. Osobola okukkiriza Setaani by'akugamba oba okukkiriza Katonda by'Akugamba. Kijja kuasalawo ekika ky'omwuyo ogulimu. Bw'aba nga Mwoyo wa Katonda, bijja kuliisibwa ku bintu bya Katonda, era tajja kulya kintu kyonna eky'ensi. Yesu yagamba nti, "Bw'yagala ensi oba ebintu by'ensi, ensonga eri nti okwagala kwa Katonda tekuyingiranga mu buziba mutima gwo." Setaani akulimbye. "Era omuntu tabeengra mulamu na mmere yokka, wabula na buli Kigambo kyonna ekiva mu kamwa ka Katonda."

Mwetegereze kaakano, tukizuula nti ali, "bwereere," nga mukaba, era ali bukunya.

30 Era ensi erabika eri mu mulembe ogukyasinze okubeera omubi ennyo ogwali gubaddewo. Tewaliwo mu mulembe gwonna abakazi mwe baali beeyisirizza bwe batyo, tekibeerangawo naye okuggyako ensi ey'amataba bwe gaali tegannaba kubaawo. Era Yesu yakigeraageranyaako. Ekyo tujja kukituukaako oluvannyuma lw'akaseera.

Katonda takyasobola kufuga, oba akkiriza ekibiina ekirala okufuga? Nneewuunnya. Eky'okuddamu ekituuufu eri ekibuzo kino kiri nti, okusinziira nga bwe ndowooza, waliwo emyoyo ebiri mu nsi egirwanagana olwa leero, egikola. Kaakano, tewasobola kubeerawo egisukka mu ebiri, emitwe ebiri. Era ogumu ku gyo ye Mwoyo Omutukuvu ng'Akola; omulala gwe mwoyo gwa setaani, era, mu nnaku zino ez'oluvannyuma, mu bulimba.

Kaakano njenda kwasigamya ebirowoozo byange ku kino mu ky'okuyigako kyonna... Obubaka bwaffe.

31 Emoyo ebiri. Ogumu ku gyo, Mwoyo wa Katonda Omutukuvu; omulala, mwoyo gwa setaani, nga gukolera mu bulimba. Abantu b'okunsi kaakano bakola okusalawo kwabwe.

Omwovo Omutukuvu ali wano Ayitayo Omugole ku Iwa Kristo. Akikola ng'akakasa Ekigambo Kye eky'okusuubiza eri ye, eri omulembe gwe, ng'alaga nti ye Kristo.

Bwe kiba ng'engalo eteekeddwa okutambula mu mulembe guno, engalo ejja kutambula. Bwe kiba ng'ekigere kiteekeddwa okutambula mu mulembe guno, ekigere kijja kutambula. Bwe kiba ng'eriiso lirina okulaba mu mulembe guno, eriiso liija kulaba. Mulaba?

Omwovo wa Katonda, nga bw'Akuze okutuuka mu kigera kya Katonda ekijjuvu, gwe mulembe gwe tulimu kaakano. Omwovo omutukuvu ali wano ng'akakasa Obubaka bw'ekiseera. Era Omwovo Omutukuvu Akola kino, nti abantu abakkiririza mu Katonda bayitibwego okuva mu katyabaga kano.

Omwovo wa Setaani atali mutukuvu ali wano ng'ayita ekkanisa ye ng'akozesa obulimba, nga bulijjo, okuyita mu kukyamya Ekigambo kya Katonda, nga bwe yakola ku lubereberye. Nkiraba nga kikomawo eri ekiseera ky'ensigo nate, okuva mu Adeni? Kiikino kikomyewo nate.

32 Kaakano, tuzzeeyo okuyita wano, oli ... emirembe emirala, mwali muli mu bibiina by'amadiini, mwali mu kino, kiri, oba kiri ekirala. Kiki ekyatuuka ku kikolo ky'ebibiina by'amadiini? Kikala. Omwovo asigala agenda era nga yeeyongerayo, era ng'agenda mu nsigo. Mulaba?

Era ekikemo, ekya bombi, kiddayo mu ngeri y'emu nga bwe kyali mu lubereberye. Weetegereze. Temukyerabira kaakano.

Nga Yokaana, Yokaana Ekisooka 4:5 era ne 6, bw'oba oyagala okukiwandiika, agamba nti, "Omwovo w'obulimba."

Kaawa teyafuluma bufulumi, nga yeeyagalidde, nti, "Sikkiririza mu Katonda." Nedda. Bwali bulimba bwe yakkiriza.

Setaani teyavaayo n'agamba nti, "Oh, kale, ekyo singa Kigambo kya Katonda." yakiriza nti ekyo kyaali Kigambo kya Katonda, naye yateekawo okuvvuunula kwe. Okwo, Katonda mulwatu kwe yali yabagamba obutakikola.

Kino kiki kye kikola? "Kikola obutakiriziganya obw'amaanyi, abantu okukiririza mu bulimba, era ne bakolimirwa nakyo." Kaakano bw'oba ng'oyagala okukisoma ekyo, Abasessalonika ekyo kubiri 2:11.

Nga bwe kiri nnina, Ebyawandiikibwa bitono wano, era tetujja kusobolo ku bisoma byonna. Kimu kaakano kati olwo, nja kubibawa. Engeri gye kiwulikika mu kyewuunyisa, nti mukyemulugunyiza oba ekintu kyonna, era tuyinza okubiwandiika wansi era ne tubibasomera.

33 "Ng'akola okukyamya okwamaanyi," nga Baibuli bwe yagamba nti bwe kijja okuba, abasessalonika eky'Okubiri. "Kaakano, omusajja ono ow'ekibi ajja kujja alabisibwe, era atuule mu Yeekaalu ya Katonda, nga yeraga nti ye Katonda, era aletere abantu okugenda mu ku kyamizibwa okw'amaanyi, bakkirize

obulimba; era, bakikkirize, awo basalirwe omusango."

Ekyo ky'ekintu kyennyini kye yakola Kaawa. Yamuwa. . . teyamugambako nti ekigambo tekyali kituufu, naye yamuwa okukyama okw'amaanyi, olwo n'akkirirza obulimba.

Omwoyo w'okukyamywa Setaani. "Setaani kaakano ng'akolera mu baana abatawulira." Nga bajeemera ki? Kiki ekyo abaana b'olwa leero kye bajeemera? Nga Kaawa bwe yali, ku lubereberye, Ekigambo kya Katonda eky'Amazima. Kaakano bwe muba ng'ekyo mwagala okukitegeera. . .

Leka tugende gye kiri, Abaefeso 2, mumpeemu eddakika, kubanga kibeera kirungi bwe. . . nja kuyimiriramu okumala eddakiika, bwe muba nga temuli mu bwangu nnyo, era nsome ko wano. Abaefeso 2:1 okutuusa 2.

Era nammwe yabazuukiza bwe mwali nga mufiiridde mu byonoono n'ebibi byammwe,

Bye mwatambulirangamu edda ng'emirembe egy'ensi eno bwe giri, okugobereranga omukulu w'obuyinza obw'omu bbanga, omwoyo ogukolera kaakano mu baana abatawulira;

34 "Abaana abatawulira." Era singa omulabe wa Kristo, okutandikira eyo ng'akyali muto mu butawulira, kinaabeera kitya bwe kinaatuuka mu muntu yennyini omulabe wa Kristo? Nga kijja kuba kirimba nnyo! Maanyi genkana wa ag'obulimba omukulu gayinza okuwa ensi, okusinga omwana omuto! Era n'agamba nti, "Omwoyo w'okukyamywa kaakano ng'akolera mu baana abatawulira, "Abajeemera Ekigambo. Weetegereze. Kaakano kino njagala okukibeerako okumala akaseera "Abaana b'obujeemu," omwana.

Obadde okimanyi, ggwe, entandikwa yo, nsobola okukakasa okuyita mu Kigambo kya Katonda nti gwe, omuntu yenna ali wano, wali mulamu mu jjajja wa jjajjaawo. Era jjajja wa jjajjaawo oyo, wazaalibwa okutuusa ku jjajjaawo, kati awo n'otuuka ku taatavo, n'omala ggwe n'ozalibwa. Omanyi ki?

Baibuli yagamba, nzikiriza kiri mu Abaebbulanuya 7, nti, Merukizeddeeki, Ibulayimu bwe yali ng'akomyewo okuva okutta ba Kabaka, "Ibulayimu yawa Merukizeddeeki ekimu eky'ekumi ku munyago gwonna." Era wano ne Pawulo akyogera kaakati, nti, "Leevi, yatwala ebimu eby'ekumi, yali... yawaayo ebimu eby'ekumi, kubanga yali akyali mu ntumbwe za Ibulayimu bwe yasisinkana Merukizeddeeki." N'olwekyo kyonna Ibulayimu kye yakola eyo, tukizuula nti Levi naye yali mu Ibulayimu, nga ye yali jjajja wa jjajja we. Ibulayimu n'azaala Isaaka; Isaaka n'azaala Yakobo, Yakobo n'azaala bajjajja abakulu ekkumi n'ababiri, Leevi.

Kaakano, kati olwo, olaba, wano kirabikira ddala bulungi, okuteekebwateekebwa.

35 Kaakano, mu Bubaka buno, njagala okussa essira ku bintu bye mbagambye mu Bubaka, obw'Ekitangaala ky'Akawungeezi kino Katonda kye yagamba nti kijja kujja ku nsi.

Era mwetegereze, kati, "Ensolo eyali erina okujja ku nsi, ejja kulimba abo bona amannya gaabwe agatali mu Kitabo ky'Obulamu eky'Omwana gw'Endiga, eyattibwa nga n'emisingi gy'ensi teginnaba kutondebwawo."

Mu kulowooza kwa Katonda mwennyini; Katonda, Omwoyo Omukulu. Mu lubereberye, nga tewannaba kubaawo lubereberye, yali Katonda, obadde okumanyi nti wali mu Ye mu kiseera ekyo? Bw'oba ng'oli Mukristaayo kaakati, wali mu Ye mu kiseera ekyo.

Era kati awo, bwe kiba nga bwe kityo bwe kyali, obulamba bwa Katonda bwonna mu mubiri nga buli mu muntu Yesu Kristo. Era kati awo Yesu bwe yafa ku musaalaba, nnafiira wamu Naye, kubanga nnali mu Ye mu kiseera ekyo; kubanga Ye yali obujuvu bw'Ekigambo, nga kirabisiddwa, ng'akimanyi nti naffe tuffa kulabisibwa oluvannyuma. Era twali wamu naye ku Kalivaaliyo. Twagenda mu ntaana wamu Naye. Era ne tuzuukira wamu Naye mu kuzuukira Kwe. Era kaakati tuli waggulu, okuyita mu Mwoyo We, eri Entebe ey'ekisa, ng'Atutudde mu bifo eby'omuggulu wamu ne Kristo Yesu. Buli kiseera!

36 Kubanga ng'akawulungwa k'obulamu bw'obutonde bwe kaleetebwa, nga kafuna obulamu okuva eri taata okutuuka eri taata omulala, okudda eri taata omulala, okutuuka eri taata omulala, bwe butyo n'obulamu bwa Kristo bwe butyo bwe bwalamusibwa.

Eyo y'ensonga Iwaki Katonda Akozesa Omwoyo wa Eriya emirundi etaano nga gya njawulo. Kiki ekyo? Kubeera kugabira bulamu addako.

Mu ngeri y'emu ng'obulamu bwo obw'obutonde bwe bugabibwa okuva ku kitaawo okuva mu kuzaala, bwe kityo era bwe kibeera n'Omwoyo wa Katonda, ekyo ekyateekebwateekebwa nga n'emisingi gy'ensi teginnabaawo.

Era Ekigambo kya Katonda ekijjuvu, mu bujuvu bw'akyo, bwe kyateekebwa mu mubiri gw'omuntu oguyitibwa Yesu Kristo, munda omwo Katonda Yandeetera okusasulira ebibi byange, nga ndi mu Ye. Kati awo n'Anzuukizza, Yanzuukiza wamu Naye munda mu Ye, mu kuzuukira. Era kaakati tutudde wamu Naye,

wamu n'amaanyi n'obuyinza eri buli Setaani yenna. Oh, singa kale osobola okukkiriza ekyo Katonda ky'Atuwadde! Naye bw'obeera nga totudde eyo, era nga tokikkiriza, era ng'otya okutambula, tolilikozesa. Naye bw'oba ng'otudde eyo, ojja kubikozesa, kubanga wayawulibwa kukola ekyo ky'okola.

"Falaawo," ku ludda olulala, "yazaalibwa Iwa kigendererwa kino," Baibuli yagamba nti, okuba Falaawo. "Yuda Isukalyoti yazaalibwa kuba mwana wakubula."

Kaaakano mwetegereze amazima gano ag'ekitalo ge tusemberera.

37 Kaakano tulaba nti ekkanisa yagaana okukkiriza Ekigambo kya Katonda okubafuga, naye ne bakkirizamu Baraba mu kifo Kye. Kaakano, bwe muba mwagala ekyawandiikibwa ku ekyo, kiri mu Matayo 27:15 okutuusa 23. Kino kyakola ki? Kifo ki kino kye kyazannya? Kaakano kirowoozeeko. Awo ekkanisa y'ensi, mu bulamu bw'ayo obuteeketeke obw'obutukirivu, abasajja abatukuvu, nga bwe baali balowooza mbu bwe baali, era baali mu maaso g'abantu, ne bakomerera Yesu, era ne bagamba nti, "Tetujja kuleka musajja ono kutufuga." Era Yesu Ye yali obujjuvu bw'Ekigambo kya Katonda. Yokaana Ekisooka, yakiraga. Era ne bagamba nti, "Tetujja kubeera na Kigambo kya Katonda kino nga kitufuga." Kyokka ng'ate Ye Yali Ekigambo, naye amaaso gaabwe gazibibwa ku ekyo kye Yali. Kubanga ye Yali eky'okuddamu ekibikuddwa eri buli bunnabbi bwonna obwali butuukiridde mu Ye.

Kaakati, ekyo fenna tukikkiriza, kubanga tulindiridde okukiraba nga kituukawo. Naye singa ensi ekikola, nga ke kaseera kano, omulembe guno gwe tulimu omubi, ekyo kyandibadde mabega eyo mu kiseera ekyo, bandikoze ekintu ky'ekimu kye bakola ne leero, kubanga kikyali Kigambo kye kimu, eri omulembe guno, nga kirabisibwa. Ajja kukikola. Tebasobola kukola kintu kirala kyonna. "abo baana abatawulira." "baweebwa okukyamizibwa okw'amaanyi, okukkiriza obulimba, era basalirwe nabwo omusango."

38 Mwetegereze ekkanisa y'ensi bwe yagaana okukkiriza Yesu, Ekigambo, ekyalabisibwa mu nnaku ezo, kubanga(Iwaki?) baali bakivvuunudde mu ngeri endala. Naye baali bagwanidde okumanya nti Ye yali Ekigambo ekyo, kubanga ekintu kyonna Katonda kye yali Ayogedde ajja kukikola, Yakikola. Era n'Abagamba nti, "Munoonya mu Byawandiikibwa by'essaawa eno; era singa mba situukirizza bisaanyizo ebyanjogerwako okukola, olwo nno temunzikiriza."

Ne bagamba nti, "Tukkiririza Musa."

N'agamba nti, "Singa mubadde mukkiriza Musa, Nange mwandinzikkirizza, kubanga Musa yanjogerako." Naye ate era tebaakiraba. Katonda yennyini ow'omu Ggulu okufiira ku musaalaba, era ng'Ayogera ebintu by'ebimu nnabbi bye yagamba nti by'ajja okwogera, era nate tebaakiraba. Mulaba?

Tebaali ba kika kye. Si be baali Ekigambo, si Kigambo; wadde nga bo, ate baali bannaddiini nnyo. Naye si be baali Ekigambo, kubanga baalina okutegeera ekifo kyaakyo mu ssaawa eyo.

39 Mwetegereze engeri Ebyawandiikibwa gye bikwataganamu awamu mu buli mulembe. Mwebyetegereze kaakano.

Era ekkanisa y'ensi bwe bagaana Ekigambo kya Katonda okubafuga, bakkirizamu omutemu, Balaba. Kino kiki kye kyakola? Kyagulumiza Setaani, Lubaaale w'omulembe guno omubi, mu kifo bulijo kye yali ayagala.

Kaakano muwulirize. Kubanga Setaani tayogerwako nga katonda w'omulembe omulala gwona naye omulembe guno. Teyayogerwako nga katonda w'omulembe gwa Nuuwa. Teyayogerwaako nga katonda w'omulembe gwa Musa, katonda w'omulembe gwa Eriya. Naye, ow'omulembe guno omubi, ye. . .Oh, tokisubwa! Ye katonda w'omulembe guno omubi, Asinzibwa Obukadde n'obuwumbi bw'abantu, kyokka nga tebakimanyi. Naye leka Ebyawandiikibwa bimubikkule amakya ga leero, era leka tulabe, kati olwo mujja kumanya. Leka tuleke Ebyawandiikibwa. . .

Era nga mu nkunjaana ez'okutegeera emitima gy'abantu, Omwoyo Omutukuvu b'AJJA mu masekkati g'Ekigambo Kye era n'Ayatayo omusajja ono era n'Amugamba nti, "Tolina nsonga ekubeeza na mukazi ono omulala. Ekyo Iwaki wakikola, emyaka kkumi egiyise, bwe wadduka n'omukazi w'omusajja oyo?" Kiki ky'Abeera akola? Amubikkula, ayanika Setaani, ekyo kye kyasiba omusajja, ova omukazi okubeera n'omusajja w'omukazi omulala, ova ebibi bye bakoze, ebintu bye bakoze. Kiki kye kikola? Kumwanika.

40 Abasawo bakozesa ebyuma era okugeezako okuzuula obuzibu we buli. Tebasobola kukikola. Tetusobola kumanya. Wabula Ye Omwoyo Omutukuvu Avaayo n'Atubikkulira kiki kyali, era n'Amwanika. Mikiraba? Ekyo Ekigambo kya Katonda kye kiri. Kitangala ekyaka mu kizikiza.

Era bw'owulira eddobozi mu kisenge, nga teritegerekka; ebintu ebimu nga bikola, era nga tomanyi biki ebyo. Teekako ekitangaala, mu bwangu. . .obunyeenyeenkule; era n'ebiyenje, baana ba kizikiza. Naye ekitangala bwe kimyansa, bisasaana ne bivaawo.

"Baatuvaamu kubanga tebaali be waffe," Baibuli bw'egamba. Mulaba? Tebasobola kubeera mu

kitangaala ky'ansi . . . kubanga, Katonda w'omu Ggulu Atumye Ekitangala Kye mu nnaku zino ez'oluvannyuma, Asobole okumulisa ekkubo ly'abaana Be, baleme okutambulira mu kizikiza n'okwesittala, naye basobole okutambulira mu kitangaala eky'okwakayakana kwa Yesu Kristo, Oyo omu jjo, leero n'emirembe gyonna. Amiina!

41 Mwetegereze, Setaani teyayitibwako katonda wa mulembe mulala gwonna wabula omulembe guno. Kyali kiuubirirwa kye okuba nga Katonda, okuva ku lubereberye.

Ekyo leka tukisome. Tujja kutwala obudde bwaffe. Leka tuddeyo mu. . . mulaba, nnakiwandiise wano, Isaaya 14. Leka tuddeyo wano mu Isaaya 14, okumala eddakiika, era tulabe kiki Katonda kye Yayogera. "Lubaale," kiki Setaani kye yakola. Isaaya 14: 12 ne 14. Mwetegereze.

Ng'oguppe okuva mu ggulu, ggwe emmunyeeye ey'enkyo, omwana w'enkyo! ng'otemeddwa okutuuka ku ttaka, ggwe eyamegganga amawanga!

N'oyogera mu mutima gwo nti Ndirinnya mu ggulu, ndigulumiza entebe yange okusinga emmunyeeye za Katonda(abaana ba Katonda); era ndituula ku lusozi olw'ekibiina, ku njuyi ez'enkomerero ez'obukiika obwa kkono:

Kyaali kirubirira kya Setaani okusinzibwa nga Katonda. yatwaala ebitundu bibiri bya kusatu, bibiri bya kusatu eby'emunyeenyenye z'omuggulu. Ye wanika waggulu we munnyeenye ezo, era nazibuulira, era nalimba ebitundu bibiri ku bisatu ebya bo. Mukiraba? Kale. Mwetegereze, ekyo kye kirubirirwa kye.

Era kaakano yetegese, ye n'omugole we gw'alonze n'obwegendereza, omugole omuyivu gw'asomesezza n'amagezi ge, mulaba, yenna yeesiize mu bulimba bwe, mu bizimbe ebinene era n'ebibiina by'amaddiini ebinene, n'ebiyokwesiiga by'okumanya n'amagezi g'ebiyeddiini, era mugezi omumanyi, era omuyivu, okulimba ensi yonna, era afuuke "katonda." Ekyo ky'akoze. Byonna by'olekedde mu muntu omulabe wa Kristo, nga yattikibwa dda engule "Omusigire wa Katonda," okuyita mu mugole we ow'ensi, omwagalwa, munassayansi, yenna ayambadde mu bitiibwa eby'amagezi, g'enjigiriza z'eddiini. Afuuliddwa munnaddiini nga ye, era n'okuyita mu kuvvuunula kwe okw'Ekigambo kya Katonda nga bwe yakola Kaawa, era nga mutabani we Cain bwe yakola.

Kaakati webuuzizza nti, "Mutabani wa Setaani?"

42 Ndagayo ekifo kyonna mu Baibuli Kayini we yali ayitiddwa omwana wa Adamu. Baibuli egambye nti yali "Mwana wa mubi," ensigo ya Setaani. Nedda, ekibikka kyaggibwako, ow'oluganda. Piramiidi yabikulwa, ng'okubikkulirwa bwe kukiraze.

Mwetegereze ekyo ky'ajja okukola, ebirowoozo bye. Yalowooza nti Katonda Abeera mu bulungi obw'ensi. Ekyo yakikola mu Ggulu. Ekibi tekyatandikira mu lusuku Iwa Adeni; kyatandikira mu Ggulu, awo Lusifa, omwana w'enkyo, bwe yeegulumiza mu bulungi, era n'ayagala obwakaba obusinga ku obwo obwa Mikayiri. Era n'alowooza nti Katonda abeera mu bulungi.

Era mwetegereze Kayini. Yali tayagala ssaddaaka ya Musaayi. Ye yajja n'awaayo ebibala, oba obulungi bw'ennimiro ku kyoto kye. Yali munnaddiini nnyo, yakola byonna, byennyini nga Abiri bwe yakola; yawaayo ssaddaaka, n'avvunama wansi mu maaso ga Katonda okusinza, nga mugonvu mu bulingeri, naye nga talina kubikkulirwa okw'Ekigambo.

Era Ekigambo okuva ku lubereberye, kyali entegeka ya Katonda. Naye Katonda n'Akibikkula, okuyita mu kubikkulirwa, ekintu kyennyini kye Yakakasa era n'Akikkiriza nti ekyo kyali kituufu. Ssi ddiini, sikyoto, sikubeerako na kkanisa gy'ogwamu, sikukola ssaddaaka, si kubeera mwesimbu; naye okuyita mu kubikkulirwa Ekigambo kya Katonda. Katonda ng'Amubikkulira ekyo kye kiri. . .

Maama we teyatwala Apo omusota gye gwamuwa, naye yalina enkolagana ey'okwegatta n'obutonde bw'omuntu obwa Setaani, mu kifaananyi ky'ensolo; so si eky'ewalula, naye ekisinga obugezi, ekikalabalabu mu nsiko yonna, ekifaananyi ky'omuntu, ekintu kyokka ensigo ye mwe yali esobelera okwegatta. Kaakano Ssayaansi agezaako okumuzuula. Era tebali muzuula, kubanga buli ggumba mu mubiri gwe lyakyusibwa. Naye Baibuli ekirangirira okubeera kityo.

43 Mwetegereze omukulu ono ky'agenda okukola kaakano. Omukulu ono, "Ajja kutuula mu Yeekaalu ya Katonda," ng'eyo, ye kkanisa, "Nga yeeyoleka okuba Katonda." kaakano ekyo bw'oba oyagala okukisoma, kiri mu Abasessalonika eky'Okubiri 2:3 era 4, era n'okubikkulirwa 13:4, 11 era 12; bombi bannabbi we baamwogererako, bombi Yokaana ne Pawulo, ekyo ky'ajja okuba mu nnaku ez'oluvannyuma. Kaakano mukisome, kubanga nnakiwandiise wano. Naye okulokola obudde kaakano.

Olunaku lwe tulimu mu Baibuli, luyitibwa "Lunaku lwa muntu," olunaku lw'omuntu. Luno so si lunaku lwa Katonda. Katonda si ye Lubaale w'ensi eno; Baibuli egamba nti si yeye, wabula ye Katonda owe Ggulu. Naye luno si lunaku lwa Katonda.

Luno lunaku lwa kulondako. Oba onaabeerawo olw'olunaku, oba ofe; londawo Katonda obe omulamu.

Era Katonda ky'Ewigambo; n'Ewigambo ky'Ewigambo nga kirabisiddwa olw'essaawa y'olunaku.

44 Mwetegereze, "Olunaku lw'omuntu." Ekyo bw'oba oyagala okukiwandiika, mbadde njenda kukisoma. Kale Abakkolinso Ekisooka 5:1-5. . . Abakkolinso Ekisooka 4:1-5, munsonyiwemu, Abakkolinso Ekisooka 4:1 era 5, yali Pawulo ng'ayogera ku kusalirwa omuntu omusango, mu lunaku lw'omuntu

Oyinza okwebuuza, nti "Lwaki Olunaku, oluyita olunaku lw'omuntu?" . Lwe lunaku ng'ebikolwa by'amagezi g'omuntu bigulumiziddwa.

Mutunule, mulabe kwonna okwenyimiriza kwa ba Nnakalyako ani, omuntu ng'agezaako okutwala mutun mutne ku mwezi. Katonda agezaako kutwala omuntu mu Ggulu. Mulaba? Naye mutunule mulabe engeri gye basaasaanyamu obukadde n'obuwumbi awamu n'obwesedde bwa Ddoola, mu kufuba okw'amaanyi agafudde obusa. Bwe batukaayo eyo, tebalina kye bagenda kusangayo. Baliko kikyamu ki!

Nze sifaayo ku mwezi. Njagala omwezi nguyiteko mu bwangu sija na kugulaba; njagala kusigala nga njenda waggulu. Njagala mpite ku kkubo lya zi ssejnjendo ejjeru, nneeyongereyo, nsigale nga njenda. Kituufu!

45 Era ensi leero yeewaddeyo ku magezi agaleetebwa Setaani. Era olunaku lw'omuntu lugulumizibwa, si na Kigambo kya Katonda, wabula olw'amagezi g'alina.

Kaakano lowooza. Ekyo kireke kinnyikire munda. Era bw'onaddamu okuzanya akatambi kano, ku nsongna eno wano, yimiriramuuko okumala ekiseera era olowooze.

Ebikolwa bye bigulumiziddwa okusukkulumta Ewigambo kya Katonda era n'ebikolwa bye ebirabisiddwa; amagezi ga Setaani, ago ge yawa Kaawa ku lubereberye. Kaakati wuliriza; kino tokisubwa. Amagezi ga Setaani gagulumiziddwa ku ntebe ey'okusinzibwa, mu mutu, waggulu w'Ewigambo kya Katonda ekikakasiddwa mu ssaawa eno. Amakkanisa gaffe ekyo gakikakasa okuyita mu Seminaaliyo zaabwe, amasomero g'okuyiga, bayiga bingi nnyo n'okusinga kye bamanyi ku Kigambo kya Katonda, balowooza. Era eyo, musawo gundi ne gundi, era musomesa gundi ne gundi era omukugu gundi ne gundi agulumiza amagezi ge, mbu ayitibwa (okuva eri Setaani) amazima, waggulu w'ekisuubizo kya Katonda ekyasuubizibwa, nga kiteereddwa mu Iwatu mu maaso gaabwe. Era omuntu n'akigoberera. Mulaba?

Ebyo bye yatuukako okuyita mu ssayansi, ng'agezaako okukakasa nti Ewigambo kya Katonda kikyamu. Ggwe kirowoozeeko ekyo. Ye, kiri nti, enjigiriza y'abantu, ennyonyola Ewigambo kya Katonda eri abantu, era n'ekikifuula ekitalina kye kikola nate, nga bwe yakikola mu mulembe gw'amaddiini Yesu bwe yalabika ku nsi. Yesu yagamba nti, "Mmwe abannanfuusi! Mmwe, mu bulombolombo bwammwe," Eyo y'enzivuunula yaabwe, "Kitutte Ewigambo kya Katonda era ne kikifuula ekitalina kye kikola eri abantu." Era ekyo ky'ekintu ky'ekimu kye bakoze ne leero. Tekirina kye kikola.

46 Mwetegereze, "Abo," abantu, "bamugulumiza waggulu w'ebyo byonna ebiyitibwa Katonda." Abasessaloniika eky'Okubiri si bwe kigamba nti bajja kukikola? Era obuyinza bw'ekkanisa y'ekinnaddiini, abantu nga bakkiriza eddiini eyo okusinga bwe bakkiriza Katonda. era Katonda ky'Ewigambo. Bajja kukiriza ebiyiiye by'amadiini gaabwe okusinga Ewigambo, "Ekimugulumiza waggulu w'ekyo kyonna ekiyitibwa Katonda." Era waliyo Katonda omu yekka, era nga kye Kigambo.

"Ekyo kyonna ekiyitibwa Katonda; n'olwekyo ye nga Katonda atuula mu kkanisa ya Katonda, nga yeekakasa nga ye Katonda," kubanga alina abantu abamusinza. Katonda kye Kigambo. Era yeegulumiza waggulu wabuli kintu kyonna ekiyitibwa Katonda. ate waliyo Katonda omu yekka, era Katonda oyo kye Kigambo. Mulaba? "era ekyo kyonna ekiyitibwa Katonda," ye Lubaale w'omulembe guno omubi eyeegulumiza waggulu w'oyo ow'Amazima, Ewigambo kya Katonda ekikakasiddwa. Ekyo kiri mu Yokaana Omukuku essuula 1. Mulaba? "Waggulu w'ekyo ekiyitibwa Katonda, kati olwo ye nga Katonda atuula mu Yeekaalu ya Katonda," wamu n'obuyinza.

Mulabe, era atenderezebwa olw'ekyo! Oh, leka abantu, Katonda, balabe obulimba obwo! Atenderezebwa olw'ekyo, era mu bumu abantu b'omulembe guno omubi bamukkirizamu. Kaakano mulaba Lubaale era n'abaddu be ab'omulembe guno?

47 Kaakano leka tukirabe nga kirabisibwa. Agamba nti ali mu kubakolera nsi esingako ku eno mwe banaabeera, okusinziira ku magezi ge nga si Kigambo kya Katonda ekitalemererwa. Wabula okuyita mu kukuññaana kwe wamu, mu bibiina by'amadiini, era n'ebiyiiye, wamu n'amagezi g'omu mutwe, era ne bya Ssayansi, n'ebirala byonna, ali mu kukola nsi esingawo abantu mwe banaabeera, era nga beegaana ekisuubizo kya Katonda, anti ekiseera kyokka ensi ky'egwanidde okubeeramu kiri mu Obufuzi obw'emyaka olukumi. Mumanyi, nze kye ndowooza, kiri nti abakoledde ensi ennungiko ey'okwonooneramu mu kifo ky'okubeeramu.

Mwetegereze. Yakikola? Yakkiriza ekibi okukolebwa. Yakkiriza okunywa omwenge, okufuweeta sigala. Era ne mu makanisa, omukazi alina enviiri enyimpi asobola okuba ekitundu ku kkanisa. Kakaano musobola okusooka okuyimiriramuko okumala eddakika.

48 Asobola okwambala empale enyimpi, n'ayambala n'empale z'omunda, era n'asigala ng'akyali kitundu ku kibinja kye eky'eddiini, ng'ekyo mu mazima kikontana n'Ekigambo kya Katonda. ye agamba nti tekirina buzibu. Mulaba amagezi ge? "Ekyo wa we kikwatira ku mukazi?" Ky'ekimu kyennyini ng'okulya ekibala ekyali kyagaanibwa, oba si kibala ekyagaanibwa, ky'ekyo kye kiri. Katonda yagamba obutakikola, naye ye n'akikola.

Kyokka era amukkiririzaamu, era amwagala olw'ekyo. Akyawa Katonda. Ebikolwa bye byennyini bikakasa nti bwe kiri. Agamba nti amwagala, naye ng'ate ayagala Setaani. Asinza Katonda w'emisono, katonda w'ensi, ba katonda abakazi aba Hollywood. Amwagala, naye akyawa Ekigambo kya Katonda eky'Amazima, ng'ate ekyo ye Katonda yekka ow'Amazima aliwo.

N'abikkiriza okukolebwa mu makanisa. Mbu nti "Tebirina bulabe bwonna. Abakyala baffe basobola okukola kino, kiri, oba na kiri." Naye mu Kubeerawo kwa Katonda omulamu, takkirizibwa kujjayo, okuggyako ng'azze kwenenya.

Mulaba, ye Lubaale w'obulungi obw'ensi, ye ye. Ayagala kulabika nga mulungi. Era ye ye lubaabe w'obulungi, okuva ku lubereberye. Asobola, era akifunye okuyita mu magezi ge mu Ssayaansi era n'ebantu ebikwatikako, okukolera ababe obulungi, omulembe guno omulabufu, ogw'obubi. Obulungi obukoleddwa.

49 Mwetegereze. Kisaanidde okwetegerezebwa. Ku lubereberye, Seezi n'abaana be tebaakozesa ngeri ya Ssayansi.

Kaakano tugenda kwogera ku Ssayansi okumala eddakiika ntono. Bwe ɲjamba kino, nga sseerabidde butamanya bwange; naye, ekibinja ky'abantu abatalina kye bamanyi, ekintu kyonna ekinaagaana Ekigambo kya Katonda. mulaba? Kituufu.

Kiggwanidde okukimanya. Kitunuulire, abaana ba Seezi tebaagenda mu kkubo lya Ssayansi. Baali balunzi abakkakkamu, abalimi, era n'ebirala.

Naye abaana ba Kayini bo kye baakola. Lwaki? Nga balunjjamizibwa kitaabwe, Setaani. Kayini, yalunjjamisibwa kitaawe, Setaani, era bano bajja balunjjamizibwa ensigo eyo okutuuka wano.

Laba ensigo ya Katonda bw'etambudde okuyita mu buli mulembe, era laba gy'eraga leero. Abakristaayo, Abakristaayo abaddala, tebali ku kunoonyereza kwa Ssayansi n'ebantu bwe bityo. Nedda. Mu ddakiika, tujja kutuuka ku ekyo.

Naye aba Kayini, oluvannyuma Iw'obutonde bwa kitaabwe, Setaani, nga bajudde amagezi g'ensi, obulungi, era ne Ssayansi, n'ebirala. Abaana ba Kayini baali ba Ssayansi. Baali bayivu. Baali bazanyi ba bivuga; Elvis Presley ow'omulembe, ebimu ku bintu nga bino akakiiko k'esomero kabikkiriza n'okubeera ku nguudo buli kiro ky'olwomukaaga. Abazimbi b'ebibuga, balungiya abakazi olw'ebigendererwa byabwe eby'okwaka, nga Setaani bw'awa abakazi okwebbyuula, era n'okusala enviiri zaabwe, era n'abateeka mu mpale enyimpi, n'ebantu ng'ebyo. Kiri, Iwa bigendererwa bye eby'okwaka okukyafu. Ekyo tekiriiko kukweka kwonna, bwe kiri, naye simannyi na ngeri ndala yakukyogeramu.

50 Kaakano, tumanyi nti enjiri ya Setaani Enjiri ya Ssayansi era n'okukulaakulana. Yagibuulira mu Adeni; si Katonda; Setaani ye yagibuulira, Ssayansi w'okukulaakulana. Ssayansi n'okukulaakulana njiri ya Setaani. Laba gy'atututte leero, nakyo. Mulaba?

Mwetegereze, yagibuulira mu Adeni, ng'agibuulira ani? Eri mukyala wa Adamu. Era n'agikkiriza. Yamulimalimbala n'amusindikiriza mu kwekkiriranya eri ekimu ku Kigambo kya Katonda. Leka tulabe kiki ky'ayinza okuba nga kye yamugamba. Alina okuba nga yamugamba nti, "Si kya kinnassayansi okufa, mu ekkanisa eno entukuvu." Oba, nti "Ojja kusomesebwa era otendekebwe, obutakkiririza mu bintu ebyo ebitategeerekeka ng'okufa. Sifaayo oba ekigambo kya Katonda kye kyakyogera; tekirina makulu."

51 Oh, mutunuule leero. "Katonda ye Katonda omulungi. Oli munda mu kkanisa Ye entukuvu; y'ensonga, tosobola kufa." Naye Katonda yagamba nti ojja, era ekyo kimala. Mumulaba leero? "Oh, ggwe beera bubeesi kitundu ku kkanisa. Tekiri ku ekyo ky'okola, oba kiri, kino, oba ekirala. Ggwe jjangu buzzi mu kkanisa era obeere kitundu kya kkanisa omuntu omulungi. Ng'abwosalako enviiri, ebyo tebirina makulu. Era nga bambadde empale enyimpi, era nga beesiize ebirangi, era nga bagenda mu ndongo, era n'akaccupa ka bbiya olw'olumu, tekajja kukuyisa bubi, kasita tobyenyigiramu. Mu mazima, kale singa baana mmwe mukitwala, awo nno basobole okuyiga oba nga banaakyagala oba nedda." Wuuyo awo, katonda w'omulembe guno, omulembe guno omubi

"Katonda Ye Katonda omulungi." Ekyo nkiwulidde nnyo okutuusa bwe kindwaziza. Katonda naye ye Katonda omwenkanya. Si jjajja atategeerekeka asobola okusindikirizibwa, abazukulu abatalina kibi kyonna. Ye Katonda ow'obwenkanya era n'obutuukirivu. Yakikakasa mu Lusuku Adeni, n'abaana Be abasooka. Ggwe buuka olukoloboze olwo, olw'ekimu ku Kigambo Kye, ng'ofudde. Ekintu ky'ekimu ekikola ne leero.

52 Era mwetegereze, yabuulira Kaawa ekika ky'enjiri y'emu eya Ssayansi, enkolagana, n'ebyenjigiriza, n'okukulaakulana, era muka Adamu n'agikkiriza. Era awangudde mu kujjuza oyo ayitibwa omugole wa Kristo, ekkanisa ya Adamu ow'okubiri, n'okukaayana kwe kumu. Ekyo bwe kiri.

"Oh, si kya Katonda; Katonda mulungi nnyo okukikola. Lwaki, ggwe kasita ogenda mu kkanisa. 'singa gwe okkiriza.'" Ne Setaani akkiriza; si kwefuula akkiriza, naye mu mazima akkiriza. Teyalokoka. "'singa gwe okkiriza.'" Huh!

Agamba omugole ow'okubiri, oba omugole wa Adamu ow'okubiri, ekintu ky'ekimu nga kye yagamba eyasooka. Ekiringa, ku "Okuwonyezebwa kw'Obwa Katonda, tewaliyo kintu kiringa ekyo. Ekyo tusobola okukikakasa. Tewabeerangawo nsonga yonna ekakasiddwa." "Ate kino eky'okubatiza mu Linnya lya Yesu, ggwe tokimanyi kaakano nti nze buyinza bwa kkanisa?" Agamba nti. "Ekyo twakimaliriza mu Iukiiko Iwe Nikyeya, e Ruumi," awo emyoyo egoy esatu we gyafulumira mu gusota, bannabbi b'obulimba, era n'ebirala. "Tukkiriza nti waliwo obusatu bwa bakatonda." Oh, olw'obulungi! Ekyo kya bukaafiri ng'obukaafiri kye buyinza okuba. Togezangako kujja mu maaso ga Katonda n'ekintu ekiringa ekyo, okugezaako okuyimirira mu Kubeerawo Kwe. "Oh, tekikola njawulo oba wabatizibwa mu bitiibwa ebya Kitaffe, Omwana, n'Omwoyo Omutukuvu." Njawulo ki gye kikola?"

53 Kyakola enjawulo ey'amaanyi ennyo, okutuusa, Pawulo bwe yalagira ekinja ky'Abaptist okuddamu babatizibwe mu Linnya lya Yesu Kristo ng'Omwoyo Omutukuvu bwe yali tannaba kujja gye bali. Era n'aleetera Abatume okulekaanira wagglu, ng'agamba, nti "Oba nga malayika ava mu ggulu bw'abuuliranga ekintu ekirala kyonna, leka akolimirwe." Mu mazima, kikola enjawulo. Oh, abaffe!

"Tewakyaliwo kintu ng'okubatizibwa n'Omwoyo Omutukuvu mu nnaku zino. Ekyo kyali ky'Abatume bokka. Kyayita. Era n'ekintu ekiringa bannabbi tekiriyo? Ekyo n'okumanyika tekimanyikiddwa. Eby'amagero? Si byakinnassayansi. Malaki 4? Ekyo kyali kya mulembe mulala. Yokaana 14:12? Oh, mazima ekyo Yesu yali takitegeeza. Lukka 17:30? Oh, olwo Iwali lugero. Mulaba, kivvuunulwa bubi; si bwe kyali mu kusooka." Kasasiro ng'oyo!

Naye Katonda Omuyinza w'ebintu byonna bw'Akka wansi mu masekkati gaffe era n'Akikakasa. Bw'Agamba, nti, "Yesu Kristo y'Om, jjo, leero, n'emirembe gyonna," ekyo Akikakasa bw'atyo. Sifaayo ani akigaana; Katonda yevvuunulira Ekigambo Kye. Yagamba nti Ajja kukola kino mu nnaku ez'oluvannyuma. "Wajja kubeerawo omusana mu kiseera ky'akawungeezi." Era omusana owo weeguli, olw'okulabisibwa kw'Omwana wa Katonda.

54 Omusana gwe gumu oguva ebuvanjuba gwe musana gwe gumu ogugwayo ebugwanjuba. Nnabbi yagamba nti, "Waliba olunaku nga si misana oba kiro." Olwanaku, ng'ebire biringa ebibise ku maaso g'enjuba. Naye n'agamba nti, "Awo nga mu kiseera key'akawungeezi walibaawo omusana nate." Omwana y'omu! Ye Ye lubereberye era Y'enkomorerero. Omwana y'omu eyazuukira mu buvanjuba yalagulwa nti ajja kuzuukira ebugwanjuba nate, mu nnaku ez'oluvannyuma, ng'olunaku terunnaba kuggwa. Simanyi ngeri gye bakivvuunulamu; Katonda Yevvuunulira Ekigambo Kye. Kano ke kaseera k'akawungeezi.

Kikwasa ennaku, nga mu mazima yaddamu n'akyagala nate. Omugole wa Kristo yaddamu n'akyagala nate, n'atwala amagezi g'omu mutwe ag'omubuulirizi omuseminaaliyo omu mu kifo ky'okukkiriza Ekigambo kya Katonda ekirongoofu, Ekigambo kya Katonda ekikakasiddwa.

55 Kaakati abaweereza ebweru eyo yonna gye muli, muyinza obutakkiriziganya na kino. Siri mu kubalumya. Ndi bubeesi. . . nze njogera na kibinja kyange. Nze ndi mukugezaako. . . bw'oba oyagala okukiyigiramu, mazima nja kuba musanyufu ggwe okukiwulira. Era kaakati mu kiwulirize. Mulaba? Naye nze mbabuulira ekyo kye balabye, era nga nkibalaga; Katonda ng'Akikakasa, nti kituufu. Mulaba?

Eno ye ssaawa. Tetwetaaga muntu yenna okukivvuunula. Amagezi go ag'ensi tegalina kye galina kyonna. . . oynza okuba ng'olina B.A., D.D., A.D., oba kyonna kye kiyinza okuba; tekirina kintu yadde n'ekimu kye kitegeeza. Katonda yevvuunulira Ekigambo Kye, Ye mwennyini. Yakisuubiza, era kiikino wano.

Naye okuyita mu magezi ga Seminaaliyo, okubuulira kw'ekinnaddiini, "Aleetedde ensi yonna okugoberera ensolo ey'ekiwundu ekyawonyezebwa," okuva eri obukaafiri okudda eri obwa Ppaapa. Mulaba wa gy'ayolekedde? Ye akkiriza. Akkiriza amagezi g'amugamba.

56 Kaakano mulabe, kiri nti abagole bombi abaayogerezebwa ne bakkiriza amagezi ga Setaani mu kifo ky'Ekigambo kya Katonda. Omugole wa Adamu yakkiriza amagezi ga Setaani mu kifo ky'Ekigambo kya Katonda, era n'Omugole wa Kristo akkirizza amagezi ga Setaani, mu mulembe guno omubi ogw'amagezi g'omu mutwe, mu kifo ky'Ekigambo kya Katonda.

Era mwetegereze. Kaawa, mu mubiri, yakikkiriza, era olulyo Iw'abantu Iwonna n'aluyiwa mu kufa. Omugole ow'omubiri! Adamu, omusajja ow'omubiri ow'okunsi; omugole we, bwe yali nga tannaba kumutuukako, okuba mukyala we, yasooka kuyiwa lulyo Iw'abantu Iwonna mu kufa. Oba kinnassayansi oba nedda, era tufa mu buli ngeri, kubanga Katonda Yagamba nti tuja kufa.

Oba oli mu Adeni entukuvu, oba ekkanisa entukuvu, oba ekibiina ky'eddiini ekitukuvu, oba kyonna kye kiyinza okuba, ogenda kufa olunaku lw'otajja kukkiriza ekimu ku Kigambo kya Katonda okuba nga ge mazima, ng'ate era kikakasiddwa, okukakasibwa gy'oli. Olwo Iwe lunaku Iwe wayawukana okuva ku Katonda. So si Kigambo kyonna; Ekigambo kimu kyokka. "Omuntu yenna anaagattako ekigambo kimu, oba okuggyako ekimu," olwo Iwe lunaku lw'ofa.

57 Mwetegereze, Omugole wa Adamu yaleetawo okufa okw'omubiri eri ab'olulyo Iwe, olulyo lw'abantu.

Era Omugole wa Adamu ow'Okubiri, oyo Omugole ayogerezebwa Kristo, ayiye ekkanisa yonna eri okufa kw'ekinnaddiini, okutwala akabonero k'ensolo, okuyita mu bya Ssayaansi, amagezi g'obwongo, ebibiina by'amadiini ebinene. "Ffe tuli Babaptists. Tuli Bapresbyterian. Tuli Abpentekoote," n'ebirala. "Ffe tulina kino, ffe abasinga ebintu bingi. Ffe, ffe Gavumenti etumanyi. Tulina okwetooloola ensi yonna," n'ebintu byonna ebiringa ebyo. "era ekisinga, n'omukulembeze w'ekibuga, n'ebirala byonna, asabira waffe. Era omukulembeze w'eggwanga emmisaga agisabira waffe, okujja mu kino, kiri, oba ekirala." Ensi yonna eyiiriddwa eri okufa kw'ekinnaddiini okw'omwoyo; ekkanisa yonna. Nfu!

Mugamba nti, "Mufuga amatwale mangi."

Yesu yagamba nti, "Nga bwe kyali mu nnaku za Nuuwa, eyo emmeeme munaana ze zaataasibwa, era bwe kityo bwe kijja okuba ne mu Kujja kw'Omwnana w'omuntu." Anti ne "Mu nnaku za Luti, baali basatu abaggibwa mu Sodoma, ku lunaku olwo. . ." Kaakati waliwo ekibinja ekimaze okufulumayo, mujjukire. Era "Naye, nga bwe kyali ku olwo, omwana w'omuntu bw'Anaalabisibwa." Mulabe nga lunaku, mulabeeyo wa we tuli!

58 Kaakano aleetedde ensi yonna okukkiriza obukulembeze bw'ekinnassayansi obw'enteekateeka z'ebyenjigiriza ebyo Setaani by'amuwadde wansi w'erinnya ly'ekkanisa, obukulembeze bw'enteekateeka ya Ssayansi, n'ebyenjigiriza. Ndi mu kubakubira kifaananyi kya Lubaale w'ensi eno.

Awo Ye, nga Kaawa, yalina obujjuvu bw'Ekigambo kya Katonda mu mukono gwe, yanditutte Ekigambo kya Katonda. naye kiki kye yakikolera ekyo? Mu kifo ky'okulindirira okubatizibwa kw'Omwoyo Omutukuvu, leka Ssayansi akimukakase nti okubatizibwa n'Omwoyo Omutukuvu kwali kw'Abatume bokka.

Mu kifo ky'okuleka okuwonyezebwa kw'Obwa Katonda nga ku kyeyongerayo, kaakano agwanidde kuba ng'azuukiza bafu era ng'akola eby'amagero eby'amaanyi; ye alese Setaani, wansi w'obukulembeze bwe obw'omusajja munnaddiini, atwale Ekigambo kya Katonda era agezeeko okugamba nti kyali kya mulembe mulala. Era akikkiriza.

59 Baibuli bwe yagamba nti, "Ebintu Nze bye nkoze nammwe mulibikola." Yesu ekyo ye yakyogera. "Mugende munsi zonna, mubuulire enjiri eri ebitonde byonna." Tukyali bitonde. Anti "Obubonero buno bunaagendanga na buli akkiriza." Byonna abiwakanya.

Yeegaana amaanyi gonna ag'Obwa Katonda, bw'gawaanyisizza n'entegeera ye eya Baibuli; bakabona, ne baki taffe abatukuvu nga bwe babayita, abalabirizi, bassaababalabirizi, abakulu b'eddiini mu bitundu, abalabirizi abakulu, n'ebirala, bwe bakiaddeko okuvvuunula kwabwe. Era Katonda abalese, batudde awo, baafa dda ng'essaawa omukaaga.

Ekintu kyokka ekisigadde mu nnaku ez'oluvannyuma, kye kinywa ky'Abpentekoote n'ekinywa ky'ebidongo nga babireekaanya nnyo nga bwe basobola, nga badduka bambuka bwe bakkirira wansi ku ttaka, boogera mu nnimi nga bwe baleekaana anti nga "Balina ekifaannabyi ky'okutya Katonda, naye nga beegaana Ekigambo Kye." Bagambe babatizibwe mu Linnya Iya Yesu Kristo; bajja kusekera mu bwanga bw'amaaso go. Naye, ate, Katonda agenda mu maaso ng'Akikola mu ngeri y'emu, okukakasa Ekigambo Kye okuba ekyo.

60 Mwetegereze, omuti Setaani gwe yaleetera Kaawa okulyako, gwali "Omuti gw'obulungi n'obubi." Gwali muti omutabuletabule.

Kaakano mutunuulire olunaku Iwe tulimu, ng'ali mu kuyitayo mugole. Alina ekkanisa eyeyita mbu eri mu kukola bulungi, ng'ate bubi, okuyita mu kugaana Ekigambo. Omuti omutabuletabule. Oh, bagamba nti, "Balina ebibiina eby'amaanyi. Bayamba mu kino. Era ab'Omusaalaba Omumyufu babakiririzamu. Era n'amasonero gonna, mutunule wano!"

Oh, naye gaana Ekigambo kimu, ky'ekyo kyokka ky'olina okukola okufa; sinsonga oli mugezi kyenkana wa, kirungi kyenkana wa. Yesu yagamba nti, "Ekizimbukusa ekitono kizimbukusa ekitole kyonna." Akatundu katono ak'ekizimbukusa koonoona ekitole. Ekigambo kya Katonda kimu, nga kikozeseddwa bubi, kyonoona ekifaananyi kyonna. Ate watya ng'omukono gwange guli awo ekigere kyange we kyandibadde? Mulaba? Watya singa okutu gwange kwali wano omukono gwange we guteekeddwa okuba? "Ekizimbukusa ekitono kizimbukusa ekitole kyonna."

Katugambe, "Omanya otya nti kituufu?" Katonda akikakasa nti kituufu. Ye Akikakasa. Yakyogera

wano mu Kigambo, olwo n'Akikakasa. Bwe tutyo bwe tukimanya nti kituufu oba nedda.

Ggwe gaana Ekigambo kimu ekyo kyokka kye kitwala okufa. Kireese ebivaamu by'ebimu ne mu mulembe guno omubi, okufa okw'omwoyo, nga bwe kyakola okufa okw'omubiri eri olulyo Iw'abantu Iw'onna.

61 Mwetegereze engeri Setaani gye yafunamu omulembe gwa Ssayaansi emabega eyo, ogwa Nuuwa okwesigama ku kutegeera kwabwe. Huh! Baibuli etugamba mu ngero nti, "Tuleme okwesigama ku kutegeera kwaffe." Era, "Leka buli kigambo ky'omuntu bube obulimba, era akya Katonda gabeere Amazima." Naye Setaani, okuyita mu kumanya Kwe, okuva ku lubereberye mu lusuku Adeni, yaleeteera abantu okwesigama ku kutegeera kwabwe. Era, omanyi, okuyita mu kkolero lye erya Max Factors works, lye yalina emabega eyo, yaleetera abakazi okuba abalungi ennyo anti baana ba bantu. . . manyanga abaana ba Katonda, ne bagwa mu kibi era ne babawasa. Kituufu. Ye. . . abakazi baali balungi nnyo, babalagavu.

Kaakati ggwe kwata omukazi owa bulijjo ku luguudo leero. Bangi ku mmwe mwasoma ku lugero; temuluwulirangako, kubanga Iwaliwo nga sinnaba kuzaalibwa. Pearl O'brien, bameka abaali bamuwuliddeko? Mu mazima. Yali ateekeedwa okuba omukazi asinga obulungi mu nsi yonna. Lwaki, tewaliyo mwana wa ssomero agenda ku ssomero gy'asomera leero naye abo abalungi ennyo okukubisaamu emirundi ebiri nga bwe yali. Lwaki kiri bw'ekityo? Obulungi bw'abakazi bulina kuberawo mu nnaku ez'oluvannyyuma.

Basalako enviiри zaabwe. Bayambala obuteteeyi bw'abaana abato. Bambala empale enyimpi era n'obugoye bw'omunda obumpi enyo, era n'ebirala nga bwe mubiyita. Beteekako ebirangi, n'ebyoku mimwa, era n'ebintu bino eby'enjawulo, okubaako kye beefuula kye batali. Mulaba? Naye okuyita mu magezi ga Ssayansi basobodde okukituukako. Mukimanyi nti waliwo okusaasaanya kungi ku by'okwewunda by'abakyala, mu United States, emirundi ebiri oba emirundi esatu okusinga, ezisaasaanyizibwa ku mmere ey'okwebeezaawo? Ekyo kikakase, ekyo bwe kiri, ku by'okwewunda.

62 Mwetegereze, "Abaana ba Katonda baalaba abawala ba bantu," si bawala ba Katonda, "abawala ba bantu, nti baali balungi," era ne kireetera abaana ba Katonda okugwa mu kukyamizibwa kuno. "Era ne batwala ekyo ekika ky'abakazi ne babawasa," era n'ekireetawo omulembe gw'obwa malaaya, era nga bwe kiri leero; nga bwe kyali mu Sodoma, era nga bwe kyalagulwa okuba ne leero.

Anti, abasajja n'abakazi ba leero bwe bawaanyisa abakyala. Bwe baba ng'omukazi ono tamwagala nga bagenda mu Reno, Nevada, ne fumbirwa; era, oba nga baawukana, n'oyo, bawasa nate mu ddakika kkumi na ttaano. Era abakazi balungi nnyo nti kumpi kizibu nnyo okubeewala. Era ekyo kiki? Setaani! Setaani akyali mu bulungi? Mwetegereze.

Mwetegereze, ekibi ekyo tekyabasonyiyibwa. Ogw'omulembe omulungi, ogw'ekina Ssayansi gwe gwali omulembe gwennyini Katonda gwe yasanyaawo okuva ku maaso g'ensi; ogwali omulungi, omulembe gwe kinnassayansi. Yesu yagamba nti kijja kuba ekyo kyennyni nate ng'Omwnana w'omuntu tannajja. Si bwe kiri? Mwetegereze, Yesu yagamba nti, "Nga bwe kyali mu nnaku za Nuuwa, era bw'ekityo bwe kiriba mu Kujja kw'Omwnana w'omuntu," awo nga bona bagezaako okuwasa. . . kaakano mulabe, "Abaana ba Katonda bawasa abawala ba bantu abalungi," era Katonda teyakibasonyiwa.

63 Ky'ekimu ng'okusomesa kwa Balamu, okwaleetera abakazi ba Mowaabu abalungi, abagezi ab'ekinnassayansi oku. . . n'amaaso gaabwe agasendasenda, ebirangi byabwe ne pawuda, obuloosa bwe obulungi, okusendasenda abaana ba Katonda; mu kifo ky'abakazi baabwe abaali bakola ennyo era nga balina amabavu mu ngalo zaabwe, nga tebaliiko bya kwewunda. Ne babasendasenda, "Leka tufumbiriganwe, kubanga fenna tuli bantu be bamu." Obwo bwali bulimba! Bwali bulimba, era n'okuwangula kwa Setaani, okuleeteera abaana ba Katonda okuwasa abaana b'abantu.

Bwali bulimba bwa Setaani, eri Balamu, nnabbi oyo ow'obulimba, okugeezaako okulagula okuwakanya Musa eyali agezaako okunywerezza olulyo Iw'abantu bano wamu; okugamba nti, "Kale, tukkiriza nga Katonda y'omu. Tuwaayo ebiweebwayo by'ebimu. Tulina ebiweebwayo by'ebimu."

"Kiri kumpi nnyo nti kisobola n'okulimba Omulonde oba nga kisoboka." mulaba? [Ebbanga ejjereer ku katambi -Omuk.] Mukifulumemu, abantu! Temulina kintu kyonna kye mukola naye.

64 Mwetegereze, kyali tekiyinza kusobola nti Katonda asobola okuvvuunula Ekigambo Kye eri omulembe gwa Kayini omubi. Nedda. Katonda yali Tasobola kubavvuunulira Kigambo Kye. Mwetegereze. . . [Ebbanga ejjereer ku katambi -Omuk.]

Katonda, n'amagezi okufuula ensi ennungi ennyo ey'ekinnassayaansi nga yakibi, Asobole okugizikiriza? Katonda ayinza okukikola ekyo, okukola ensi ennungi ennyo; mulabeeyo, Katonda okufuula bawala be abalungi ennyo, okubambaza engoye z'ekikaba, batabani Be babeegombe era bagwe nabo mu bwenzi? Kiki? Katonda okukola ekintu ekiringa ekyo?

Bano kinywa kya ba Nnalawodikiya abali obwerefere, abeeyambudde, abasinza Lubaale w'ensi enno okuyita mu mu mpisa zaabwe, n'ebyenjigiriza, awamu n'amagezi amangi, n'obulungi bwabwe! "Mukifulumemu," Baibuli bwe yagamba, "Mulieme okugabana ku bibi bye, era okufuna ku bibonoobono bye." Katonda olunaku lumu Ajja kutonyesa amayinja g'omuzira okuva mu bbanga, nga manene nnyo okwenkana obuzito bwa pawundi buli kitundu, era gajja kumuzikiriza okuyita mu kumukuba; ng'Ekgambo kye bulijjo bwe kigamba nti bwe Yakola, amateeka Ge.

Kale, oba Katonda yakola ekintu ng'ekyo, n'Abikulira abantu Ekgambo Kye bw'atyo, Ajja kuba Ayiye ekigendereerwa Kye yennyini. Katonda si musiru. Y'ensibuko y'amagezi.

N'olwekyo mulaba ebintu ebyo gye biva? Biva wa Setaani, era bikyali bya Setaani. Kyokka ekkanisa ebikkiriza.

65 Kaakano mmwe abakazi mulabe, ndi mu kugezaako kye nsobola kyonna okubalaga Ekgambo kya Katonda. Baibuli yagamba nti, "Singa omukazi asalako enviiri ze, aba tasizzaamu mutwe gwe kitibwa," nga ye mwami we. Era omwami we gwe mutwe, awamu ne Katonda, n'olwekyo aba tasizzaamu kitibwa Katonda Omwami we.

Kaakano ekyo kiraga ani mutwe gwa nkola y'amakanisa g'ensi. Ekyo kiraga ani mutwe gwakyo. Ye Setaani, mu kifaananyi ky'omuntu omusukkulumu, omuntu w'amagezi, okumanya okusukkulumu. Amanyi okusinga abalala bona. Sinsonga kiki Ekgambo kye kyogera, ye alina okuvvuunulwa kwakyo, mulaba, okuvvuunulwa kw'omulembe guno omubi.

66 Mwetegereze enteekateeka ze okuzimba ekkanisa y'ekinnaddiini ensukkulumu, akakiiko k'amakanisa ak'ensi yonna, mulaba, ekibiina ky'eddiini ekisukkulumu, olwo nno ensi yonna emusinze, ensolo, wansi w'erinnya ly'Obukristaayo nga yeegasse wamu. Mwandiyyagadde ekyo tukisome mu Baibuli? Okubikulirwa 3:6 ne 8. Gwe munaala ogw'omulembe ogwa Babulooni.

Temujjukira engeri Nimuloodi, omunnanfuusi oyo, eyazimba omunaala gwe omunene, n'aleetera obubuga obutono bwonna okuwa omusolo? Babulooni ne Babbeeli ky'ekimu. Kikyusa bukyusa mannya, nga bwe kyeyubula. Bwe kiri, Ruumi kaakati ye Babbulooni. Era ensi yonna ereetebwa e Babbulooni era egenda kuleetebwa Akakiiko k'Amakanisa g'Ensi akajja okuletera buli omu okumuvvuunamira. Era awo obeera otutte akabonero k'ensolo, nga tomanyi kiki ky'okola. Kubanga. . .

Naye abo abaalondebwa bajja kuwuulira Ekgambo era bakifulumemu.

67 Ebibiina by'amadiini nga bikontana nnyo ne Katonda! Tabeerangako yadde n'ekibiina ekimu, takolaganangako yadde n'ekimu. Njagala omusomi w'ebafaayo yenna okundaga wa wonna nnabbi we yali avudde mu kkanisa. Mundage wa Katonda we yali awadde ekkanisa omukisa ng'emaze okwekolamu ekibiina. Yagenda mu massa era n'efa, wamu n'amagezi gaayo ag'obwongo okuva eri Setaani, okuyita mu bakulembeze baabwe, era ne bagaana Ekgambo kya Katonda bwe kyali kyakayakana okutuuka mu kigera kya Kristo ekituukiridde. Kaakano kiri ku mutwe. Nga kikontana!

Mwakuwane ne Kaawa oyo atakkiririza, mmwe abaana b'akasana ak'akawungeezi!

Setaani, katonda w'omulembe guno, okuyita mu magezi ge, aleetera abantu okulya okuva ku muti gwe ogutabuddwatabuddwa ogw'obulungi n'obubi. Mwetegereze, Setaani, mu magezi ge, aleetera abantu b'omulembe guno omubi okulya ku muti gwe ogw'obulungi n'obubi. Agamba nti azimba Obugunjufu bw'Obukristaayo obulungi obw'amaanyi, okuyita mu magezi ge ag'obulungi n'obubi, obugunjufu obw'amaanyi obusingako.

Naye embeerera ya Kristo entono, Ekgambo, Ekisibo, Omugole, tafaayo ku magezi ge. Akuuma, amwewala. Kiki ekyo. . . kaakano leka tumwogerek, okumala eddakiika. Alindiridde Mukama we era n'okuwummulamu okw'Emyaka Olukumi, eyo n'Omugole omusajja nga ky'Ekgambo, kubanga n'Omugole omukyala ye Mugole ow'Ekgambo.

68 Okumanya n'obugunjufu, n'Obukristaayo obw'Amazima, tebirina kye bifaanaganya. Obugunjufu, n'Obukristaayo obw'Amazima, tebirina kye bifaanaganya.

Obugunjufu buliwo kuyita mu kumanya. Fenna ekyo tukimanyi. Era okumanya kuva mu Adeni, yakikakasa, okusinziira ku ekyo kye Yabuulira mu Adeni. Era okumanya kuleeta okufa. Ekyo bwe kiri? Kiki ekyaleeteera okufa mu lusuku lwa Adeni? Kumanya. Naye tekisobola kuba kya Katonda, n'olwekyo ekyo kya Setaani. Whew, ekyo kibadde kirungi! Okumanya, Ssayansi, eby'enjigiriza, gwe muziziko ogukyasinzeeyo Katonda gwe yali abadde nagwo. Gwe gwa Setaani.

Kaakano nja kufunayo ku mabaluwa ku ekyo, nkimanyi. Ngalindiridde.

Mulabe eby'obuwangwa gye bitutuusizza kaakano. Mulabe? Mulabe kiki kye bikoze. Wa we tuli? Twesigamye ku bintu ebyo, okuyita mu kutegeera kwaffe okwa Ssayansi waffe.

Mugamba nti, "Ate Katonda, kye mulowooza tabimanyi?" Oh, nedda.

Katonda ajja kuteekawo ku nsi wano engeri Ye ey'obugunjufu, bw'Anaaba ng'Agitutte. Eno nsi ya Setaani; ye katonda kaakano ow'ensi ye ey'amagezi ga Ssayansi. Naye Katonda Ajja kuteekawo engeri Ye ey'obugunjufu waggulu. Tebjija kubeera bugunjufu nga buno bwe tulina leero. Nedda, nedda. Bujja kuba okusinziira ku Kigambo Kye era n'ekigendererwa Kye. Kubanga, katonda w'omulembe guno ogw'aleero ajja kusaanyizibawo, wamu n'obwakabaka bwe.

69 Omulembe guno ogw'agala okumanya tegusobola kubeera na mukulembeze asingako ku oyo gwe balina, Setaani, omukyamya w'Ekigambo kya Katonda, nga bwe yatandikira mu lusuku Adeni, naye omuntu munnaddiini eyesigamye ku kutegeera kwe kwennyini.

Nga bwe nnayogedde emabegako, Engero 3:5, nti, "Tetuteekeddwa kwesigama ku kutegeera kwaffe ffe."

Bateekeddwa okuba ne katonda, kubanga bo bantu. Ng'ate abafuula ekyo kye baagala. Okusobola okuba abantu, olubereera, abantu bona. . . bwe twajja wano, twasangawo Abayindi nga basinza bibumbe, n'enjuba, n'ebirala. Ng'abantu, bateekeddwa okuba ne katonda. Kaakati n'olwekyo omulembe guno ogw'amaanyi ogw'amagezi guteekeddwa okuba ne katonda, n'olwekyo kifuuse. . . Katonda w'ensi eno afuuse kumanya, bibiina by'amadiini, Ssayansi, "Nga balina ekifaananyi eky'okutya Katonda, naye nga beegana amaanyi gaamu."

70 Mwetegereze, Katonda waabwe abafuula ekyo kye baagala. Bayayaanira eby'omubiri, era ekyo ky'abawa. "Baagala kwambala obupale obumpi obw'omunda. Mubaleke ba bwambale. Mulaba? Bwe babeera nga baagala kukola kino oba kiri, mubaleke bakikole. Tekirimu bulabe; bagenda ku kkanisa. Nnyabwe yali Mumethodist, Mubaptist, Mupresbyterian. Ggwe baleke bokka."

Oyo, ye Lubaale w'omulembe guno; myonjo, mugezi, munnassayansi. Tekyetaagisa kukkiririza. Tekyetaagisa kubaako ky'okakasa kyonna. Kyakakasibwa dda, okuyita mu kumanya kwabwe. "Kale, ffe kkanisa esingayo obunene wano mu kibuga," okumanya kwabwe. "Omusumba waffe alina D.D., Ph D." Mulaba, tewetaaga kukkiririza; besigama kukumanya. Mu baleke bamale gabeerawo, kasita bo bajja okumusinza okuyita mu bibiina byabwe eby'amadiini n'ebiyiiye. Waliwo eriso eriddugavu eddene awo, naye litunuulire.

Basekerera Ekigambo kya Katonda, nga boogera ebintu ebikontana n'Ekigambo; era bagezaako, okuyita mu kumanya kwabwe, okukakasa ne Ssayansi nti Ekigambo si ky'Amazima. Oh, nga mulembe gwe tulimu! Mulaba katonda w'omulembe guno?

71 Mwetegereze, naye Katonda alinze okutuusa obubi bw'Abamooli bano ab'omulembe guno bujjule. Temweralikirira, ajja kubaayo ne Musa we nga yeteeseteese mu kiseera ekyo. Wajja kubaawo Okuva, olunaku lumu, okugenda mu nsi ensuubize. Wajja kubaawo Musa ajja, oyo ajja okubayitayo, "Okubakomyawo mu kukkiriza kw'abaana okuddayo eri bakitaabwe." Kijja kujja, olumu ku nnaku zino.

Mugamba nti, "Kale, labayo engeri gye tukulaakulanamu."

Mazima, obubi bw'Abamooli tebunnaba kujjula. Kijja kujja, olumu ku nnaku zino. Mubaleke beezikirize.

Obugunjufu, n'okumanya, bikyamya Ekigambo kya Katonda okuggyamu ebyo bye baagala. Buli kibiina kya ddiini kyonna kikola ekintu ky'ekimu. Awo nno Setaani n'abuulira enjiri ye ey'okumanya mu kkanisa ye yennyini.

72 Waliwo ebikka bya bantu bibiri byokka mu Ndagaano Empya. "Abaana ba Katonda, n'abaana ba Setaani." Ekyo mubadde mukimanyi? Mwagala kubaako n'Ekyawandiikibwa kye mukiwandiikako? Yokaana Ekisooka 3:10 bwe muba nga mwagala Ekyawandiikibwa. Nkisoma wano wennyini, nnakiwandiise wano. Kale. Bwe kiri.

Mu Abaefeso 2:2 bayitibwa, "Abaana abatawulira." Nga Kaawa bwe yali, yajeemera Ekigambo kya Katonda. abaana Abawulize nga bagonvu, n'abo Abatawulira nga bajeemu, tebalina kibagatta.

Olwo Omugole wa Kristo ayinza atya okwenyigiria mu bibiina by'amadiini, nga omu mugonvu ate omulala mujeemu? Omu asobola atya, okuba Kigambo; ate omulala, Ekigambo ekikyamiziddwa? Malaaya n'omukazi omulongoofu bayinza batya okutambuulira mu kukkiriziganya? Tebasobola kukikola. Tebalina kussa kimu yadde. "Kifulumemu!" kya Setaani. Ako ke kabonero k'ensolo. Mwe boolekedde kaakano; ebibiina by'amadiini byonna. Sifaayo kiriwa kyonna.

Katonda tatwala kibiina kya ddiini, "Abantu olw'erinnya Lye." Ekibiina ky'eddiini tekijja kukkirirza Mazima gano. Kijja kutwala mutu ssekkinoomu asobola okulaba Katonda, atunuulire Ekigambo Kye era akikkirize, nga talina kibiina kya ddiini kyonna ky'agwamu; naye abeerawo lwa Katonda, si lwa kibiina kye, amagezi g'obwongo ag'omulabirizi omu oba waliwo ekintu ekimusomeseddwa. Ekyo bwe kiri.

73 Abaana abatawulira nabaana abawulize, tebalina kibagatta. Omu ku bo . . . wa lunaku lwa musana na kitangaala; ate omulala, wa kiro na kizikiza, omulembe omubi, omulembe guno omubi ogw'ekizikiza, ebiduula by'ekiro, amazina, ng'ate balina ekkanisa mwe bava. Tekirina buzibu wamu ne katonda waabwe. Tebakirinaamu kunenyezebwa kwonna; tewali kibasumbuwa kyonna.

"Lwaki, nze tekinsalira musango okusalako enviiri zange," omukazi bwe yagamba. "Tolumya nneewulira yange." Takyalina nneewulira ng'omusota bwe gutalina magulu. Ekyo kituufu. Mu mazima talina. Tamanyi na nneewulira ky'ekitegeeza. Yakalambala nnyo okutuusa nti n'okukimanya takimanyi kye kiki. Ekyo bwe kiri.

Okulinyirira, Ekigambo kya Katonda, nga bagamba nti, "Lwaki, oyo nnamukadde ow'envi. Toyambuka engulu eyo; abo kibinja ky'abaleekaanyi, era n'ebiringa ebyo, ndaba." Huh! Tebalina kye bamanyi ku Katonda okusinga Hottentot ky'ayinza okumanya ku kiro ky'omu Misiri. Ekyo bwe kiri. Ge Mazima.

"Nga balina ekifaananyi ky'okutya Katonda, naye nga beegaana amaanyi gaakwo; era nabo obakubanga amabega. Kubanga ku abo be bantu abasensera mu nnyumba ku nnyumba ne banya abakazi abasirusiru."

"Oh, ow'omukwano, oli, oteekeddwa okukola kinno. Oo, ow'omukwano, ndowooza oyo omubuulirizi wammwe namukadde ow'eni wamanga eyo, kale singa. . . Oh, wandirabise bulungi nnyo mu ka "kapati," oba kyonna kye mubuyita obuntu obwo. "Ggwe, singa okola bino byonna, biri, na bino. Lwaki, kasigala akatono tekajja kulunya muntu yenna. Nange nnina ekkanisa yange mwengwa, era omanyi ekibiina kyaffe eky'eddiini kifaanana ng'ebirala byonna." Tomukkiriza oyo nnamukadde omulimba eyesiize birangi. Akulimba. Ekyo bwe kiri. Yee, ssebo.

74 Eri katonda waabwe takirina buzibu. Oh, ye alowooza nti ekyo kya kitalo, era bamwagala bwagazi olw'ekyo.

Abaffe, bajja kukukaayanya. Bajja kuyimirira bulungi era bawakane naawe ku ekyo. Lwaki, mazima, Setaani yayimirira mu maaso ga Yesu Kristo, Ekigambo, era n'agezaako okugamba, "Kyawandiikibwa."

Era awo we yali, Ekigambo kya Katonda ekikakasiddwa. Yagamba nti, "Dda ennyuma wange ggwe, Setaani!" Ggwe tambula butambuzi era okole ekintu ky'ekimu.

Kiringa omuntu omu lumu eyanjamba, yagamba nti, "Kaakano, bw'oba okkiriza nti okubatizibwa kw'Omwoyo Omutukuvu kutuufu, kkiriza nti omulina," N'agamba nti, "Kaakano ziba amaaso gange." Oyo yali mubuulizi. N'agamba nti, "Nziba amaaso!" N'agamba nti, "Olunaku lumu Pawulo yaziba amaaso g'omusajja."

Ne mmugamba nti, "Mukulu, nnyinza ntya okukuziba amaaso ng'ate oli muzibe? Nnyinza ntya okukutta ng'ate oli mufu?" Uh-huh.

N'agamba nti, "Nze, amaaso gange galaba bulungi!"

Ne njamba nti, "Ekitundu kyo eky'omubiri; naye okyali muzibe."

"Tekisoboka! Baibuli tevvuunula bintu. Twogera awo Baibuli w'eyogera, era ne tusirikira w'esirikira."

75 Ne njamba nti, "Kale, Eriya bwe yali emmanga eyo mu Dosani, mulaba, ne wajjawo amagye g'Abasuuli gonna okubazinda. Era omuddu n'addukana, n'agamba nti, 'Oh, Kitange!' N'agamba nti, 'Kitange,' ng'agamba nti, 'Abasuuli batwetooloodde.'"

"Eriya nasiimuula amaaso ge, n'agolokoka era n'amugamba nti, 'waliwo bangi nnyo abali ku lwaffe okusinga abali ku lwabwe.'"

"Nagamba nti, 'Nze sirina gwe ndaba yenna.'"

"N'agamba nti, 'Ai Katonda, bikkula ku amaaso ge.' Kaakano, yali muzibe. Era n'atunula okwetoloola nnabbi, era ne ku nsozi; nga wajjudde bamalayika, era n'amagaali ag'omuliro, n'embalaasi ez'omuliro."

"Era n'afuluma ebweru eyo, era Baibuli egamba nti, 'N'abaziba amaaso.' Nga bazibe eri ki? Eri Ye. Yafuluma ebweru, n'agamba nti, 'Munoonya Eriya?'"

"Yee, gwe tunoonya."

"N'abagamba nti, 'Kale, mujje, mbalage waali.' Eriya ng'abatwala eri Eriya. Bazibe!"

Ne njamba nti, "Mumanyi kye njenda okubagamba? Ekyo kyenyini Mukama wange kye yagamba ba kitammwe, 'dda ennyuma wange.'" Uh-huh. Uh-huh.

76 Mwetegereze, abaana abawulize, n'abatawulira, tebalina kye bafaanaganya. Abajeemu basinza lubaale waabwe. "Oh," bagamba nti, "Tukkiriza mu Baibuli." Yee, muti ogutabuddwatabuddwa. Mulaba,

bakigattamu ensi n'okumanya. Omuti gwa Setaani, gutabuddwatabuddwa; mulaba, yafuna okuva ku muti gwa Setaani, ogw'obulungi n'obubi. "Oh, Ekigambo tukikkiriza." Mazima, naye si kyonna. Kaawa yakkiriza Ekigambo, naye, ganya Setaani n'omuti gwe okukukyamyamu akatono. Ky'ekyo kye kiri.

"Omuntu yenna anaayongerako ekigambo kimu, oba n'atoolako ekigambo kimu." Yesu akyali y'Omujjo, leero, n'emirembe gyonna! Weetegereze. Bwe kiri.

77 Omulembe guno omubi gwa kizikiza, kyokka ate nga gwa kkanisa. Katonda waabwe, bamwagala olw'ekyo, engeri gy'abalekamu okukola. Tebaliiko musango. Tewaliwo kintu kyonna kibasumbuwa kasita baba nga bali mu kkanisa.

Balamu yasomesa ekkanisa ekintu ky'ekimu. "Leka twegatte; fenna ffe bamu." Ke kaali akakodyo akasembayo. Katonda teyabasonyiwa olw'okukkiriza obulimba ng'obwo.

Mujjukire nti, kyal kibi ekitasonyiyibwa, emirundi esatu mu Baibuli, eri omuntu yenna okugatta ekigambo ky'okuvvuunula kwe ku Kigambo kya Katonda nga kimaze okukakasibwa nga ge Mazima.

Mu lusuku Adeni, bwe kiri, mu lusuku Adeni, ekigambo kimu ekyagatibwako kyaleeta okufa.

Balamu bwe yagata ku Kigambo, nti, "fenna ffe bamu," awo, Katonda ekyo teyakisonyiwa Isiraeri. Bonna baafiira mu ddungu, okuggyako abasatu Katonda be yaggyayo. Yesu yagamba nti, "Bonna, buli omu mufu," ekyo kwe kwawukana ne Katonda okw'olubeerera. Bonna baagenda; tebaasonyiyibwa. Kibi ekitasonyiyibwa; Teyabasonyiwa. Oh, abafe!

Mukidduke, abaana b'akasana k'akawungeezi!

78 Mulabe kaakano ani omukulembeze w'omulembe guno ogw'ekinnadiini omubi, ogutambulira ku mulembe? Ye Setaani, ng'atwaala omuti ogwo ogw'obulungi n'obubi, era n'aguteeka ebweru eyo, mwengendereze, bw'aleeta omugole w'ekkanisa ye omulungi eri akakiiko akafuga amakanisa ku mbaga. Ekyo kirungi. Ekkanisa ye ennungi ey'ekinnassayansi, ng'erimu ddiguli zonna ezsobola okufunika, zi Ph.D's okuva mu kkanisa ya Kristo, Ph.D's okuva mu ba Baptist, Presbyterian, Pentekooti, ne byonna. Nga abileeta byonna, n'ammasogolero gaabwe amatimbe era n'amakanisa amanene, bona eri akakiiko k'amakanisa, "Tuli omu." Tekiri basonyiyibwa. Ekibiina ky'eddiini, okwambala erinnya ly'ekibiina ky'eddiini, ke kabonero k'ensolo. Ekyo twakiyitamuko wano; okukikola. Mukiddukemu, abaana, mukiddukemu! Mulaba? Ekkanisa ey'amaanyi ennungi mu kyambalo ky'akakiiko k'amakanisa, okwambala akabonero ke!

Empale enyimpi, mazima, ebiteteeyi by'ensi, eby'ekikaba, ebirangi, mazima bayigirizwa ba Setaani abalungi, okukwata abaana ba Katonda; okufumbiza omulenzi omulungi eyazaalibwa omujjuvu eri nnamukadde atasiumibwa bw'otyo. Ekyo kituufu. kiki...

79 Yagambye nti, "Okusala nviiri, ekyo kiki kye kikola?"

Ow'oluganda, katuyimirire ko wano eddakiika. Mpulira nga waliwo akiwakanyizza ekyo. Ayinza okuba ng'alina w'ali ku lukomo.

Muwulirize. Enviiri eri omukazi kirayiro kya buwonge. Enviiri eri Samusoni kyal kirayiro kya buwonge. Era omukazi bw'asalako enviiri ze, mu mazima aba yeegaanye ekirayiro eky'okuwongebwayo nti Mugole wa Kristo. Kubanga, ekyo ky'ekintu ekimu, ekyonoona ekifaananyi kyonna. Mu bufuufu! *Omuwonge ye "Oyo eyayawulibwa olw'ekigendererwa."* Ekyo kituufu? Samusoni yali yayawulibwa eri omulembe era n'eri ekigendererwa, n'olwekyo yalina enviiri empanvu. Omukazi nga mwana wa Katonda, aleka enviiri ze zikule, okulaga nti yayawulibwa olwa buli Kigambo kya Katonda.

Singa azisalako, sifaayo azina kyenkana ki, ayimba, ng'ali mu kibiina ky'abayimbi, ayogera mu nnimi, adduka wano na wali, oba alina ebiiba byonna by'ayamba, abeera mufu. Ekyo kiri BW'ATI BW'AYOGERA MUKAMA, Ekigambo kya Katonda. Abakkolinso Ekisooka 14. Yee. Abeera yeegaanye ekirayiro eky'obuwonge era nga yetunze eri lubaale w'omulembe guno ogw'obulembe. Bw'akikola. Kaakano, oswadde, mukyala ggwe, oba omukazi!

Abakwasi b'abaana ba Katonda aba ddala, nga bwe kyali. Nga Yesu bwe Yagamba, "Nga bwe kyali mu nnaku za Nuuwa, abakazi abalungi, era abaana ba Katonda ne batandika okuwasa mu bo, bwe kityo bwe kijja okuba Omwana w'omuntu ng'Akomawo." Era lubaale waabwe alowooza nti ky'amaanyi, era kirungi, kya kinnassayansi, kya magezi; emisono gya Hollywood, gitimbiddwa mu dduuka lye, mazima, bino byonna wano n'ebiringa ebyo, mubimanyi.

Era yo, ekkanisa ye, ebyagala bwagazi! Oh, abaffe! "Njakubategeeza, ndi mu Methodist. Ndi mu Presbyterian. Omusumba waffe alina entegeera ennungi okusinga okwogera ekintu ng'ekyo." Alina okutegeera okumala okwogera ebintu Katonda by'aba ayogedde. Mulaba?

80 Omukazi, ekkanisa ye, akyagala. Ekyagala. Ekyo kyennyni kye yali eyagala! Talina ky'aja kwegatta nakyo, ow'oluganda, oba okubaako ky'agendamu alina okweyisa ng'ekintu eky'enjawulo ku kino ba

Yenzebeeri b'omulembe guno kye bali, kubanga obwo bwe butonde obumulimu.

Oyinza otya okuba n'obutonde bwonna... "Muntu ki eyeeraliikirira ayinza okwongera ekitundu ku kikula kye?" Bw'oba wazaalibwa n'obuwanyu bwa fuuti ttaano, tojja kuba wa fuuti mukaaga. Oh, weewaawo, nga "Ng'ebiyuma ebireega omubiri" ebya Booth- Clibborn.

81 Kaakati wuliriza, ssebo, mmwe ekibinja ky'ab'efuula abakazi! Bw'oba wazaalibwa kuba musajja, weeyise nga musajja. ebiyuma bino n'amayengo ebirebeetera mu maaso gamwe, nga binyooleddwa ng'ebiyobukaba, Iwaki, mwe omulembe gw'emisota ogwakyaama! Naye buzibu ki bwe mulina?

Katonda wange olunaku lumu eggwanga lino Ojja kulisalira omusango n'omuliro. Ajja libbire ku ntobbo y'enyanja. Essaawa y'omusango Gwe etuuse. Ensi yonna ejja kugenda.

Okukyamizibwa kw'eddiini! Okukyamizibwa kw'abantu; abasajja tebamanyi kikula ki kye bagwamu, wadde abakazi. Bayimirira nga bambadde ovulo z'abasajja, oba empale enyimpi enkadde, engoye eziringa... entambula ye yonna era n'enkula y'omubiri gwe, era n'okweyita kwe Omukristaayo. Si mukazi, eky'Obukristaayo ng'okitadde ebbali. Malaaya w'oku luguudo akozesebe Setaani, alunjamizibwa Setaani, okusindika batabani ba Katonda mu ggeyeena, okutuukiriza Ekigambo Yesu Kristo kye Yagamba nti kijja kubawo. Ekyo sitegeezza kukyogera, naye ye Yakyogera, bw'atyo. Mulaba omwoyo guno gw'ekinnaddiini gye guva? Omuti omtabuletabule.

82 Ogamba, "Mwaba ki mmwe abambala obupati," oba kyonna kye babuyita, "obupale obuwanvu?" oba kyonna kye kiri.

Baibuli egambye, nti, "Omukazi yenna ayambala ekyambalo ekifaanagana n'eky'omusajja, wa muzizo mu maaso ga Katonda." Ekyo kiri BW'ETI BW'EYOGERA BAIBULI.

Era omukazi ajja okusalako enviri ze, tassa kitibwa mu mutwe gwe. Era tekirina na... kuba kwonoona omukazi okusaba ng'enviri enyimpi, Baibuli bwe yakyogera, okusabaira mu Iwatu ng'omutwe gwe tagubikiddwaako. Era ye...

Oh, mugamba nti, "Nnyambala enkofiira."

Bannanfuusi mmwe, bakazi bamwe mubasomese ebintu ebiringa ebyo! Ng'ate, Baibuli yagamba nti, "Enviri ze zamueebwa okubeera eky'okwebikka," Si nkofiira ekooleddwa abantu. Ekyo Baibuli kye yagamba. Sikirinaako buvunaanyizibwa; nze nvunaanyizibwa kwogera mazima. Tobeera mulyazaamaanyi, nga Baibuli bw'egamba, "okukwata Ekigambo kya Katonda n'obukuusa," okuwagira oba okusisinkana okusaba kw'ekibinja ky'azinyi b'amazina ag'okwenyigootola ngeri ya kinnamatimbo.

83 Nnina Ekigambo bubi wano. Waliwo "Elvis" ky'ekiwandiikkidwa mu kifo ky'obubi. Kumpi byonna by'ebimu. Ekigambo Elvis kitegeesa "Kkapa," era ekigambo Ricky kitegeesa "mmese." Bw'ogamba nti "Ricky omuto." Otegeeza, "emmese ento." Kye mu tuyita, ekyo kyali. Omwana wo ekyo ky'omuyita, kikyuse mu bwangu, ku Iw'enjiri. Totuumwa mwana. . .

Amannya g'ekika ekyo temugawuliraangako mu Baibuli, oba mu mulembe omulala gwonna. Gwe mulembe, erinnya ly'omulembe guno. Ogwali gubaddeemu emmese era ne kkapa ezakyama, wekiri.

Bino byonna. . .?. . .obukadde bwa Ddoola D.j, era n'abaana bano abatambula ebweru eno, tebasobola kugenda ku ssomero nga tebalina kintu kiri mu matu gaabwe, era n'akaleediyo akatono mu nsawo zaabwe, nga, "bikoona bukoonyi."

Oh, bajja engulu eyo eka, era twakola. . .abasajja abo abaali bagezaako okusiiga ennyumba yange langi engulu eyo. Ne tubagamba nti, "ekintu ekyo mukiggye wano. Bwe muba nga temusobola kukola nga tekiriiko, olwo omulimu muguveeko. Kintiisa nnyo nti sisobola na kuyimirira wano. Eki kina twakiwaayo eri Katonda. tetwagala bintu ng'ebyo boogie-woogie kasasiro wa bidongo ow'ennaku zino ez'oluvannyuma mu kifo kino." Ne mbagamba nti, "Mu biggyeeko oba si ekyo mulimu mugulekowo!"

Mwetegereze, yadde nga kyaddiini, oh, mazima mugende mu kkanisa era tuyimirire awayingirirwa, okuwuliriza ebyo bi boogie-woogie ebidongo byammwe.

84 Era, mwetegereze, Omugole wa Kristo ow'Ekigambo naye ayolekedde waggulu. Nga bwe tulaba omwoyo omulabe wa Kristo gy'alaga, yatandikira mabega eyo era kaakati yeyongedde mu maaso; akakiiko akafuga amakanisa mu nsi kajja kukiteekako wakulira. Kyokka n'ekkanisa entono ezze bw'etyo, nga yo mugole wa Kristo ow'Ekigambo okuyita mu mirembe, nayo ajjira ddala ku mutwe, kubanga agenda kugattibwa ku Mwami waayo. Na buli kiseera, era ng'ekkanisa n'ebirala byonna, biteekeddwa okwegatta. Engano, nabuli kintu kyonna, bikomawo ku mutwe gwabyo we byatandikira; nga Kayini ne Abiri. Omugole w'Ekigambo ng'ayolekera waggulu mu Muntu ow'Ekigambo kya Katonda alabisibba mu mulembe guno omubi gwe tulimu. Mulaba gye kiraga?

85 Ne Setaani mu bwangu ajja kutwala omugole we ow'amagezi era agulumize ow'amaanyi ono, nga ye

mulabe wa Kristo, amadaala g'obufuzi, amuteeke ku ntebe, "era ensi yonna ejja kumugoberera."

Kati awo nno Kristo alyoke Ajje. Era ababiri tebasobola kubeerawo mu kiseera ky'ekimu. N'obwakabaka buno bujja kutwalibwa; ajja kusaanyizibwawo."

Era Kristo, Ekigambo kya Katonda. . .nga, omukazi kitundu ku mubiri gw'omusajja. Tebalu babiri; bali omu. Era Omugole, ekkanisa, Ekigambo, "Abantu abayitibwa wano na wali, olw'erinnya Lye," bajja kwegatta mu mubiri gwa Yesu Kristo.

Era obwakabaka bw'omulabe wa Kristo bujja kuwambibwa era busanyizibwewo. Ne Kristo Ajja kutwala entebe, Atuule ku ntebe ya Kitaawe Dawudi, Afuge ku nsi okumala Emyaka lukumi; olwo nno akwase Katonda ekkanisa, "Nga teriiko bbala newankubadde olufunyiro." Yee!

86 Kaakano mwetegereze enviiri ze empanvu, ekirayiro ky'Okwewongayo eri Ekigambo. njenda kukuba ekifaananyi ky'Omugole wa Kristo kaakano. Tukube ekifaananyi ky'omulabe wa Kristo, wa w'ali, munnaddiini era n'ebirala, Ssayansi. Kaakati Omugole wa Kristo omutono omuwembeefu ye ng'akkiriza bukkiriza Ekigambo, yenna kyali. Ye mutu ssekinoomu. Nsuubira nga nneesiga nti waliwo bangi abatudde wanno leero, bangi nga bawuuliriza. Nsuubira nti nange, na mwenna, muli kitundu ku Mugole oyo. Nsuubira bangi. Era, kijja kuba, ku abo bona abayawulibwa olw'ekyo bajja ku kibeera, kubanga obwo bwe butonde bwabwe. Balaba. Ekigambo kisobola kutegeera Kigambo kyokka. Tekisobola kutegeera kibiina kya ddiini oba okukyamya. Kimanyi bulungi; kyo ky'Ekigambo. Olaba? Tekisobola kutegeera kirala. . .

Enjano terina kintu kyonna ky'esobola kuba okuggyako okuba Enjano. Yatandika, njano; era ejja kumaliriza, njano. Ate era omuddo tegusobola kuba njano, yadde nga gufukirirwa amafuta ge gamu. Mulaba? Naye gwo si njano. Nga bwe nnayogera ku lunaku luli, ku muti nga gulina amatabi ag'enjawulo.

87 Enviiri ze empanvu, ekirayiro ky'obuwonge, kiraga nga yeerayirira eri Katonda. ekyambalo kye eky'obugole ekirungi eky'Ekigambo ekyasuubizibwa ku eky'omulembe gwalimu, nga kimuzingiddwa okumwetooloola, nga kimukakasa wamu Naye, ekya Abaebbulaniya 13:8, "Yesu Kristo aba bumu jjo, leero, n'emirembe gyonna." Kitundu ku Kigambo Mugole omusajja, w'amazima gy'ali mu buli katundi.

Kaakano mulabe, singa omukazi afuluma ebweru eno nga mufumbo eri omusajja, ate n'agenda ebweru n'akola omukwano n'omusajja omulala era n'abeera n'enkolagana wamu naye, ate n'amala n'akomawo eri omwami we, ateekeddwa okumugoba. Ekyo bwe kiri? ateekeddwa kubeera w'amazima gy'ali, kubanga yeerayirira gy'ali.

Era n'omugole wa Kristo yeerayirira eri Kristo; era nga Ye Kigambo. Tateekeddwa yadde okutemya ku ludda olulala, omukyala tateekeddwa yadde okutemya ku musajja omulala. Tateekeddwa kukola buponero, tewali yadde kulaga nneewuulira ye gy'ali, kubanga mu mazima Mugole eri Omugole omusajja omu.

Tetwetaga yadde muti gwamwe omutabletabule, ebibiina byammwe eby'eddiini. Beera w'amazima eri Kristo, Ekigambo. Ajja kukikakasa okuba Amazima.

Nedda, ssebo, tewali yadde nneewuulira yonna ey'ekintu kyonna eyolekera okukola omukwano wamu naye, sikwegatta ku madaala ge oba ekintu kyonna, oba okumuleka akutwalire mu mikono gye oba mu kulabirirwa kwe, oba okwogera naawe ku ngeri eno, oba engeri eri.

Ggwe wuliriza eddoboozi limu lyokka. "Endiga zange zimanyi eddoboozi Lyange. Omugenyi tezijja. . ." eddoboozi lye kye ki? Eddoboozi ly'omusajja yenna ky'ekigambo kye. Era kye kino, Baibuli, tewali yadde kigambo kimu ekiteekeddwa okukigatibwako oba okukigittoolebwako. Ggwe sigala n'eddoboozi eryo. "Omugenyi tezijja kumugoberera," ekibiina ky'eddiini.

88 Nga, ye bw'ali ekitundu ky'Omugole omusajja, w'amazima gy'Ali eri buli katundi konna, ng'alindiridde mbaga, okwegatta, si ku kakiiko k'amakanisa g'ensi; naye mu mbanga, ku ky'eggulo ky'embaga. Aweereddwa. . .kino kya kkanisa yaffe yokka. Aweereddwa, era n'Amubikkulira, Envumbo Omusanvu z'ebayama bya Baibuli. Mulaba? Alaba ng'obusirusiru bw'omulimba, buli kumpi nnyo n'amazima, kumpi bulimbe n'Omulonde. Akiraba. Ye. . .

Mulaba emyoyo ebiri egikola egiwakana mu mulembe guno omubi? Osobola okukiraba? Buli gumu munnaddiini nnyo, Kayini era ne Abiri, emyoyo nate nga gituuka ku mitwe gyagyo, nga gikyali gy'egimu nga bwe gyatandika. Omu, ng'asinza okuyita mu bulungi, era n'okumanya, era ne by'enjigira, ne Ssayansi, n'empisa za bantu ez'obugunjufu. Ate oli omulala, asinza kuyita mu kukkiriza okw'okubikulirwa kw'Ekigambo kya Katonda. bombi abo bayimiridde mu kizimbe kino amakya ga leero. Ekyo kituufu.

89 Okubikkulirwa, oba okukiriza, mu Kigambo Kye, teyeeyita nti alina okumanya; Omukristaaayo owaddala, ow'amazima.

Bagamba nti, "olina - olina ddiguli mu kumanya?"

Tebalina bye beeyogerako. "Nzikkiriza Ekigambo Kye." Mulaba? Tebalina bye beeyogerako byonna. Tebagamba nti bayivu. Tebalina kibiina kya ddiini kyonna kye bagwamu, omugendo gwonna, ekibiina kya ddiini kyonna. Ba Kristo. Ye mukayala We; si mukyala wa kkanisa.

Ye malaaya. Baibuli egambye nti yali "Malaaya," era, "NNYINA W'ABENZI," era bona bakunjaana wamu ne bakola omwenzi y'omu. Era omukazi ekika ekyo ye mukazi atali w'amazima eri Bba; era ng'ayita Kristo okuba omwami we, ng'ate kitundu ku kibiina ky'eddiini. Obusirusiru ng'obwo! Ffe tuli ba Kristo.

90 Naye, mu buwulize, omukazi ono omutono ow'okukkiriza, abeerawo lwa kukkiriza, Omugole; omuntu ali wano, wali; wano, awantu awalala, mu kkanisa emu endala, mu kibiina ky'eddiidi ekirala, kyonna kye kiri, era abamu si. . . bakkiriza Ekigambo kya Katonda, bawulize, balindiridde mu kwagala, ekisuubizo ky'omulembe okukakasibwa. Akirindiridde. Ye kitundu ku Kigambo, era atunuulidde obulamu bwe okulabisa Ekigambo ekyo.

Ab'oluganda, ekyo temusobola ku kiraba? Leka nsubire nti ekyo tekibayise kuutwe.

Omubiri gulindiridde (nga kye Kigambo), gulindiridde obulamu (nga gwe Mwoyo) okukakasa oba okukiramusa. Ekyo ky'alindiridde. Tewali bulamu bulala buja kukola mu bulamu bwe. Tasobola kujja eri Obulamu mu ngeri endala yonna. Kyokka, akiwulira ebweru eyo, era akimanyi nti kigenda kuberawo; kati kiiokino wano kituuseewo, olwo n'azuukuka. Katonda yagamba nti, "leka wabeeeo," era navaayo ng'eyasooka bwe yavaayo.

91 "Abaana abatawulira" kitegeeza kugonda. . . obutawulira kitegeeza "Kujeema." Ekyo nnakinoonyezza mu nkuluze, okubeera omukakafu. Okujeema, okujeemera (ki?) Ekigambo kya Katonda ekyabikkulwa. Nga Kayini bwe yakibikula. . . y'ewaggula ku kubikkulirwa kwa Abiri, okwakakasibwa Katonda nti bwe bwali obutuukirivu. Era Kayini n'akujeemera, era natemula muganda we.

Abaafalisaayo, wamu n'okumanya kwabwe okw'ekinnaddiini eri Ekigambo kya Katonda kye kyali, baalonda abasajja be berobozaamu, ne bajeemera Ekigambo kya Katonda ekikakasiddwa ne kirabisibwa ku lunaku olwo, Yesu Kristo, era ne bamutta. Si bwe kiri?

Ekyo "Abaana b'obujeemu" kye baali, okwewaggula ku kigambo kya Katonda.

Kaakano mulabe we bali? "Oh, ennaku z'ebi'amagero zaayita. Yesu Kristo takyali y'omu nate. Tewakyaliwo kintu nga kubatizibwa na Mwoyo Mutukuvu. Ebintu ebyo byonna mbu tebirina makulu!" mulaba, kwewaggula! Tebeetaagisa kwogera bintu bibiri; balina kwogera kimu kyokka, ky'ekyo kyokka. Okwo kujeema, kwennyini. Tebasobola kugamba nti tolina maaso, tolina matu; oteekeddwa okutwala omubiri gwonna, Ekigambo kyonna. Mulaba?

Omwoyo Omutukuvu ayita nti, "Mukifulumemu, mueleme okugabana ku bigunje bye eby'ekinnaddiini," nga bw'aseka era bw'ajjoga Ekigambo kya Katonda eky'olunaku luno.

"Kubanga Katonda tasekererwa," jjukira bujjukizi. Ajja kukifuna. Teweraliikirira. Ajja kukifuna. Baibuli mu Abaefeso 4:30, egamba nti "Katonda tasekereerwa. Ekintu kyonna omuntu ky'asiga, ekyo ajja okukungula." Tebasobola kukisekerera n'okukijerega, nga boogera ebintu bino, ne bamalako gagenda batyo, "Ng'emmere ku mazzi, kijja kukomawo."

92 Oyo ye mugole wa Setaani, ng'azingiddwa mu ddiini ye, amagezi agaagala ekibi eri omulembe guno omubi, okubalimba. Oh, abaffe! Akabondo konna oba ekibiina ky'eddiini eky'emyoyo egisendasenda, okuyita mu magezi ga Ssayansi era n'obugunjufu obw'omulembe guno! Nga beeyita. . .

Tugenda kuba tumaliriza mu ddakiika ntono. Nteekeddwa okukoma wano, kubanga sisobola kubiyitamu byonna, mulaba.

Agamba nti abazimbira ensi ey'amaanyi gye munaabeeramu. Bw'agamba, nti, mu bugunjufu bwe, azimbye amakanisa amalungi ennyo, amatendekero, amasomero, amalwaliro, amaterekero g'ebitabo, era n'obuyambi bw'ekiseera obw'omuntu, awatali Kigambo kya Katonda, abikoze. Akikakasiza nti asobola okubikola. Era abantu babigoberedde; yee, ssebo; amasomero, ebibiina by'amadiini, eby'obuwangwa, abantu abambala obulungi, abantu abaliisibwa obulungi.

Waakiri nsimbira omugaati, ne mbeera omutereevu ne Katonda; mu kifo ky'okubeera n'enkoko ensiike emirundi esatu olunaku, nga nnina kuba kitundu ku malaaya alinga oyo.

93 Mujukire ng'esaawa esembedde kumpi nnyo akalambe we kanajjira. Olina ku kibeera munda oba wabweru w'ako. Kajja ng'omubbii mu kiro. Kajja ku kukwatirayo munda eyo, nga gy'oli. Tewaliwo kufulumayo; wamala dda okukatwala. Kifulumemu!

Malayika yakka wansi okuva mu Ggulu, n'amaaso agamasamasa ennyo, era n'aleekaanira abantu. Kyanyeenya ensi. "Mukifulumemu Babbulooni, kubanga kigudde, muleme okugabanira awamu ebibonoobono bye ai, abantu bange!" Mukifulumemu. Mukifulume! Tetukisomye mu Kigambo, akaseera

akayise? Malayika abeera "Mubaka," mulaba, ng'azze wansi. Mwetegereze Omwoyo Omutukuvu, "Mukifulumemu, muleme okugabanira awamu naye."

94 Kaakano azimbye ebintu bino byonna. Azimbye amakanise ag'amaanyi. Azimbye amatendekero, amasomero, ng'atwala abantu n'abasomesa okubeera mu kye bayita mbu obugunjufu obusingako. Era babasomesezza okuyita mu bugunjufu obw'omulembe oguliko ogwo ogubaleese mu bunnya bw'okufa, okuyita mu kumanya, okuva ku Katonda n'Ekigambo Kye.

Tolaba lukwe lwonna? Kkanisa, ekyo mukiraba? [Ekibiina kigamba nti, "Amiina." -Omuk.] Abali ebweru ku mpewo, bw'oba okiraba mu kibiina kyo wabweru eyo, gamba nti "amiina," abasigadde bajja kumanya w'oyimiridde. Mulaba?

Yakikola. Ye. . . Ye katonda w'ensi eno, era azimbye amatendekero. Azimbye amatendekero aga waggulu. Azimbye amalwaliro. Azimbye amaterekero g'ebitabo. Azimbye ebintu bino byonna okuyamba omuntu mu kaseera akatono, ebimala okubalimba, okuva ku Kigambo ekyo. Era kiki ky'abatuttemu? Ekkansa y'ensi yonna eyiiriddwa mu kufa, kubanga Katonda yagamba nti Ajja kwokya malaaya, wamu n'abaana be, n'omuliro ogutakoma.

Mukifulumemu, abantu bange! Temukwaturwayo munda eyo. Muve mu kintu ekyo mu bwangu nnyo nga bwe musobola!

Okuyita mu magezi ge aga Ssayansi, asobodde okukola kino, kaakano mwetegereze, nga tewali Kigambo kya Katonda.

95 Katonda teyatwawula kugenda bweru eyo kuba na masomero. Takikolangako. Teyatugambako kuzimba malwaliro. Birungi. Teyatugambako kuzimba materekero ga bitabo. Nedda, ssebo. Tatugambangako.

Yyagamba nti, "Mbuulire Enjiri." Era, Enjiri, kwe kwolesa okulaga amaanyi g'Omwoyo Omutukuvu.

Pawulo yagamba nti, "Enjiri yajja gye tuli, si mu bigambo byokka, naye okuyita mu kulabisa era n'okwolesa Omwoyo Omutukuvu." Pawulo yagamba nti, "ssajja gye muli n'ebigambo eby'amagezi ebisendasenda n'obukenkunfu oba ebirala, wabula mu kutegeeza kw'Omyoyo Omutukuvu n'amaanyi; okukkiriza kwammwe kulemenga kubeera mu magezi oba okumanya okw'abantu b'ensi eno, wabula mu maanyi ag'okuzuukira kwa Yesu Kristo; kubanga mulamu, y'Omujjo, leero, n'emirembe gyonna." Katonda tuyambe tukkirize ekintu ky'ekimu, era Katonda Akakase ekintu ky'ekimu nga bw'Abadde Akola.

96 Akulemesa okulaba okubikkulirwa okutuufu n'okukkiriza kw'Ekigambo kya Katonda nga kibikuliba, era nga kikakasibwa leero, okuyita mu masomero ge, amaterekero g'ebitabo, ebiwandike ebikuumibwa, amalwaliro, era n'ebirala. Mulaba? Akuleetera okukivaako. Kaakati avvuunula, nga bwe yakola Falaawo, ng'agezaako okukulemesa okulaba amakulu g'Ekigambo ekyakakasibwa eky'omulembe gwe mu kitangaala ky'akawungeezi, nga kitongozeddwu ne kikakasibwa. Ageezzaako, okuyita mu magezi ge, n'amasomero, n'abantu abasomye obulungi, n'empisa z'abantu ez'obugunjufu, n'ebirala, okukulemesa okukiraba ekyo.

Ekintu kyonna, olwo nno oleme okukitunuulira n'okulaba nti Oyo ye Yesu Kristo! Omanya otya nti ye Yesu Kristo? Ye Ye Kigambo, era Ekigambo ky'omulembe guno. Era omulembe guno, yagamba nti kino kijja kutuukawo mu mulembe guno, era kiikino wano kituusewo. Mulaba? Mulaba? Ye ng'akola kyonna ekisoboka okukulemesa okukiraba ekyo.

Ajja kukiteekako amannya gonna amakyafu g'asobola. Mulaba? Ajja kukiyyita "Nnalwoyo" n'ebirala byonna. Yayita Yesu "Omukulu w'emizimu, kyenkana wa kye bagenda okuyita abayigirizwa be?" mulaba?

97 Mulaba, ng'agezaako okukulemesa okulaba amakulu g'Ekigambo amatuufu. Si ki. . . mulaba, akivvuunula, ng'agamba nti kitegeeza kino.

Katonda yagamba nti, "Nnabasuubiza nti mu nnaku ez'oluvannyuma nja kubawereza Malaki 4." Tekyetaagisa kuvvuunulwa; Yakikola. Yagamba nti, "nga bwe kyali mu nnaku za Luuti, ensi ejja kuba mu mbeera ya Sodoma; era mu kiseera ekyo, nja kukiyoza okubikkula Omwana w'omuntu, yennyini." Tulina buli kika ky'abakoppi n'ebirala byonna, naye tulina oyo ow'annamaddala. Mulaba? Yagamba nti ajja kukikola.

Bwe kituuka ku Kigambo ekyo, "Ekyali emabega eno oludda luno, luli? Oh, sikkiririza mu nsigo ya musota. Sikkiririza mu kino, kiri, n'ekirala." Tekibikkulwanga, mulaba, nedda, tekibeerangawo. Oh, ow'oluganda, ggwe tunula awali. . .

Tuteekedwa okumalirirza, kubanga ziri ssaawa mukaaga.

98 Mwetegereze, ng'agezaako okubalemesa okulaba amakulu ag'Ekigambo ky'omulembe guno, eky'Ekitangaala ky'akawungeezi nga kivvuunulwa. Kye. . . Kitegeeza ki? Ekiseera ky'okuva kisembedde, Katonda amunona, Omugole nga kikakafu n'eri ensi. Mulaba?

Kaakano njagala kubabuzaayo ekibuuzo. Ng'essaawa ziri mukaaga kaakano, kuyiseeko eddakiika ttaano; era tujja kweyongerayo, ekiro kya leero. Mulaba katonda w'omulembe? [Ekibiina kigamba nti, "Amiina." -Omuk.] Mukkiriza? ["Amiina."] Mukiraba engeri gye kirimu, ekkanisa, y'amagezi, nga ya Ssayansi?

Ensi yonna y'ekyo, mulaba, ebibiina by'amadiini. Era, mugamba nti, "ndi Mukristaayo." "Oli wa kibiina kya ddiini ki?" kale, singa mbadde wa kibiina kya ddiini, sikkiriza oba nga nnandibadde na Mukristaayo. Kaakano, ekyo kigambo kinene, naye kituufu.

Nnaakamala okwogera nti amagezi ne Ssayansi, n'Obukristaayo, tebirina nkolagana yadde, ekimu kya Setaani, ate ekirala kya Katonda. Ekintu kyonna ekigaana Ekigambo kya Katonda, kyewale era kyebalame. Mulaba? Nedda, ssebo. Baibuli kino ekiragira mu nnaku ez'oluvannyuma, Abakristaayo okufuluma mu malaaya oyo, ogwo gwe muti gw'obulungi n'obubi.

99 Mazima, alina obulungi. Omuntu yenna ayinza okwogera obubi ku ddwaaliro? Nedda, ssebo. Etterekero ly'ebitabo? Nedda ssebo. Ebyenjigiriza? Nedda ssebo. Bali mu kubawa ekyo awatali Kigambo. Mulaba engeri gye kirimbamu? Okubawa ekkanisa ey'okugendamu, okusinza okw'okusinza, "Lubaale atudde ku ntebe." Baibuli yakyogera dda.

Kaakati oli kitundu ku gumu ku mibiri egyo. Giriwo ebiri gyokka ku nsi kaakati, era bwe kijja okuba okutuusa Yesu bw'Alijah, era ogumu ku gyo gujja kusaanyizbwawo. Kaakati oli kitundu ku gumu ku gyo. Ogumu ku ggyo, gwe weegasseeko; kyokka ate guli omulala, oguzaalibwamu. Mulaba?

Ogumu ku gyo, oli kitundu ky'agwo kubanga waguzaalibwamu. Olina okuba kitundu kyagwo. Nnyinza okugaana nti sirina mukono? Nga bwe sisobola kugaana Kigambo kya Katonda kyonna, bwe mba nga ndi kitundu ku Katonda. Ndi kitundu ku William Branham; ndi mu bitundu, era buli kitundu kitundu ku nze. Era buli Kigambo kya Katonda kirina okujja mu mwoyo gwange, kirina okujja mu mmeeme yange, kirina okujja mu bulamu bwange, kirina okujja mu birowoozo byange. Ebirowoozo byange bwe biba nga bikontana nakyo, kati awo Omwoyo wa Katonda nga tali mu nze. Ekyo kituufu. Tosobola kugaana wadde Ekigambo ekimu.

100 Oli mu gumu ku mibiri egyo. Oteekeddwa okuba, kiteekeddwa okuba. Kirina kuba mu mubiri gwa Katonda, nga kwe kuyita mu Kigambo; oba omubiri gwa Setaani, okuyita mu kkanisa; balina Lubaale gwe basinza. Oteekeddwa kusinza Lubaale w'okumanya, ne weesigama ku ekyo ky'owuulira okuyita mu kumanya, ne weesigama ku kino, oba kiri; oba ne weesigama ku Kigambo kya Katonda, okuyita mu kukkiririza, ng'omulindiridde okukikakasa era Akifuule eky'Amazima.

Ekkanisa ya Katonda eyannamaddala erindiridde okujja kw'olunaku lw'essanyu olw'obufuzi bw'Emyaka Olukumi,

Mukama waffe ow'omukisa lw'Anajja n'Akwakkula Omugole We alindiridde;

Oh, omutima gwange gujjuppe okukwakulibwa nga bwe nkola, okutunula nga bwe nsaba,

Kubanga Mukama waffe agenda kukomawo nate ku nsi.

Oh, Mukama waffe agenda kukomawo ku nsi nate,

Setaani ajja kusibibwa okumala emyaka lukumi, awo tetujja kubeera na mukemi nate,

Nga Yesu amaze okukomawo ku nsi nate.

101 Oh, ba United States eno, Obubaka buno gye bugenda kaakano, mudduke nnyo nga bwe musobola okuva ku mulembe guno ogwa Ssayansi n'okumanya gwe tubeeramu. Mudduke eri Ekigambo kya Katonda!

Mmwe, nze, tewali muntu yenna asobola, akimanyi. Tewali muntu yenna ayinza kukikakasa. Katonda y'Akola okukakasa kwe. Tewali muntu n'omu alina lukusa lwa kukivvuunula; nze, tewali muntu mulala alina lukusa. Katonda Akola okuvvuunula Kwe. Yakola ekisuubizo. Yagamba nti ajja kukikola kino mu nnaku ez'oluvannyuma.

Era mu nnaku ez'oluvannyuma lubaale w'omulembe guno omubi ajja kuziba amaaso g'abantu, n'okumanya kwe okw'amagezi, ku muti ogutabuddwatabuddwa n'obulungi era n'obubi, ng'akyagabira abantu. Era kati ekintu ekyo kijja nga kyolekedde waggulu, ekibiina ky'eddiini ekyo okuvviira ddala emabega mu mirembe gy'ekizikiza era n'emabega w'emirembe gy'ekizikiza, byonna by'olekedde mu musajja omusukkulumu, Setaani, eyagamba nti, "Nja kwegulumiza waggulu w'abaana ba Katonda, era bajja kumpuliriza." Anti "era ye nga Katonda ajja kutuula mu Yeekaalu ya Katonda, era abaana ba Katonda bajja kukigwamu."

102 Lwaki, omwana wa Katonda, agamba nti, "Kale, mukyala wange, si bwe kiri; ye mulungi. . ." genda mu maaso, ggwe genda bugenzi mu maaso. Mulaba?

Mugamba nti, "Kale, yagamba abaana ba Katonda." Yee, ssebo.

Omusajja, kyonna kyali, yakolebwa mu kifaananyi kya Katonda, ku lw'ekitiibwa kya Katonda. Omukazi ye yaggibwa mu musajja, so si mu Katonda. Bwe kiri. "Abaana ba Katonda bwe baalaba abawala b'abantu nga balungi, ne bawasaamu abakazi."

"Nga bwe kyali mu nnaku za Nuuwa, bwe kityo bwe kijja okuba mu Kujja kw'Omwnana w'omuntu."

Kaakano labayo, bw'oba oyagala okulaba eddaala ekkanisa kw'eri, tunuulira abakazi, mulaba, kubanga omukazi ye kkanisa. Tunuulira ky'akola, mulabeeyo, mu mulembe gunu ogwa malaaya omubi.

Mulabe, waali tewabangawo kibuga kyonna ku nsi kisinga bukodo, obugwagwa, nga kya wansi nnyo, kijjudde ba malaaya, okusinga Nazaleesi, kyokka mu kyo Katonda yalondamu omuwala embeerera. "Wayinza okubayo ekintu ekirungi kyonna ekiva mu Nazaleesi?"

Era okuva mu mulembe gunu omubi, nga lubaale w'omulembe gunu azibye amaaso g'abantu, n'ebigunje byabwe era n'ebibiina by'amaddiini; okuva mu mulembe ogwo gwennyini, Katonda alonda abantu olw'erinnya Lye.

Yadde wano alekeddwaawo ng'onyomebwa,

Olumu Mukama Alireeta Omulonde We

mu wankaaki,

Era ekyo kye kisinga ebirala byonna gye ndi.

Olwo tuliyimba, tuleekaane, era tuzine,

Omwana gw'endiga Alisangula amaziga gaffe;

Tujja kubeera ne wiiki ey'okudda eka ey'essannyu,

Emyaka egisooka omitwalo gumu. (Bwe kiri.)

Abantu ab'omuwendo olw'erinnya Lye, bayitibwa Omugole We. (Si bwe kiri?)

Yadde Olekeddwaawo era ng'onyomebwa, Olumu Mukama Alireeta abalonde Be mu wankaaki, (mu kuva)

Era ekyo kye kisinga ebirala byonna gye ndi.

103 Ntandise okuba omusajja omukadde. Era n'ennaku zange okuseebengerera; n'amaaso gange gatandise okuyimbaala; n'omuliro gwange ogw'obulamu gutandise okuzimeera. Sitya kizikiza. Kubanga njagala okwogera kino, wamu ne Pawulo, "Okumumanya Ye mu maanyi ag'okuzuukira Kwe." Sinsonga wa we banziika, oba okubbira mu nnyanja, oba okwokebwa mu kikoomi, oba, okuliibwa mpologoma, bw'Anaayita erinnya lyange, nja kwogera nti, Amiina!

Leka tusabe.

Bwe waba nga wano waliwo omuntu yenna, wabweru eyo ku mikutu gy'Obubaka buno mu ggwanga lino lyonna, mu makanisa gammwe amatono n'obubinja, ne mubizimbe era na wonna w'otudde, bwe waba nga waliwo omuntu omu, oh, leka nkusendesende; leka nkwegayirira, ng'omuweereza w'Enjiri; nkwegayirira, mu Linnya lya Yesu Kristo; dduka obusungu bw'omulembe gunu ogwakyama! Toweereza Lubaaale w'omulembe gunu omubi.

Oh, nkimanyi mugamba nti, "kirungi. Bali bulungi." Ddala, omuti ogutabuddwatabuddwa. Tosobola kutabula kumanya na Kigambo kya Katonda.

Ekigambo kitekeedwa kukkiriziba bukukkiriza, so si na magezi. Tokitegeera; ggwe kikkirize. Ggwe gamba nti kituufu, era kati awo okitambuliremu. Ky'ekyo kyokka ky'Akusaba okukola.

Bwe waba nga waliwo omuntu yenna wano mu kibinja kyaffe, tetusobola kuyita baagala kulokoka kujja waggulu wano, kubanga tewaliwo kifo; oba abali ebweru eyo ku mpewo abali ku mukutu gy'amasimu, bwe waba nga waliwo omuntu yenna ebweru eyo nga tomumanyanga. Tomumanyi. . .

104 Oh, abakazi, mbakalabudde amakya ga leero, sinze, nze nnokodde bunokozi Kigambo. Enviiri enyimpi, okwambala engoye ezo enkadde, okwambala mu ngeri ey'ekikaba, mmwe temukitegeera nti Omwoyo. . . Oyinza okuba omuyonjo, mwannyinaze omwagalwa, bwe gutuuka ku mubiri gwo, naye mu mmeeme yo tolabamu kikunywezezza?

Katonda ayinza okukola muwala We mu nfaanana y'ekikaba okusobola kulimba mutabani We yennyini, amwegombe, bombi baanuukulire ogw'obwenzi? Asobola okukikola, mwannyinaze? Weebuuze ekibuuzzo

ekyo. Nedda, wadde mu mmayiro obukadde kkumi. Ekyo temukiteeka ku Katonda.

Ow'oluganda, lubaale akuwadde omwoyo gw'ensi eno okutuusa nga tosobola kukiraba nti ekyo kikyamu? Akuzibye amaaso go, eri empisa z'ekkanisa ez'obugunjufu, ekibiina ky'eddiini, ebiyiye, era n'ebirala, nga tosobola na kulaba nti Katonda ali mu kukakasa Kigambo Kye era ng'Akituukiriza? Omulimu gwo, mukamaawo, mukyala wo, abaana bo, ekkanisa yo, oba ekintu kyonna, bikwawudde okuva ku Kigambo kya Katonda, nga y'ensibuko y'Obulamu yokka? Kidduke, muganda wange! Nkwagala n'okwagala kwa Katonda. Sirina muganda wange yenna gwe nzisaamu kitiiwbwa okumusukkulumya, tewali wadde. Singa nkikola, awo mbeera nsosola mu bantu. Soogera bintu bino kubanyiiza. Mbalaga, njogera ebintu bino kubanga biri mu Kigambo kya Katonda. Ng'omuweereza wa Katonda, n'okwagala kwa Katonda mu mutima gwange, mbagamba ebintu ebyo musobole okulaba n'okutegeera. Oba oli awo temwanditegedde singa sibibabuulira. Munaakitudduka leero?

Kaakano, buli wam mu bifo byonna mu ggwanga lyonna, leka tikoteke emitwe gyaffe.

105 Katonda Omwagalwa, wano mu maaso gange waliwo obutambaala. Abantu balwadde; mbuteekako emikono gyange, nti Obawonye.

Era nkxesiga, Mukama, olwa leero, nti wajja kubeerawo olukunjaana olw'amaanyi, nti amaanyi ga Katonda gajja kubeerawo wano, obubonero obw'amaanyi n'ebiyewuunyo. Nga bwe tuwulidde ebyava mu nkuunjaana zino ze tubadde nazo, nga kyamuwendu, okulaba ekyatuukawo! Nsaba, ow'omukwano Katonda wange, Otuwe omugabo ogw'emirundi ebiri leero. Nkisaba n'omutima omwesimbu, Mukama, kubanga kwe kwagala kwange gy'Oli n'Ekgambo Kyo, ku lw'abantu bano. Kituwe, ow'omukwano Katonda wange.

Era singa ebweru mu nsi yonna, oba ne wanno kaakati, nga waliwo abamu abalwadde n'abanyigiriziba, nga bagenda kuddayo leero, nga tebagenda kubeerawo wano, oba abali ebweru eyo mu makanisa oba mu bifo gye basisinkanira; nsaba Obawonye. Kaakano, Mukama, naye ku lw'okuwonyezebwa okusinga mu byonna! Bw'Owonya emibiri gyabwe okuva mu Kookolo, akafuba, empewo y'omumawuggwe, ekintu ekimu, bajja kuddamu balwale nate, tekiriko kubuusabuusa, singa bawangaala nnyo, kubanga emibiri gyabwe gikyali wansi w'ekibi, n'ekikolimo, wabula leka bafune okuwonyezebwa kw'Obwa Katonda okwaddala, okuwonyezebwa kw'emmeeme, ekibafuula ekitonde ekiggya, n'ekisala okuva mu kufa okuda eri obulamu, olwo nga tulindirira mu nnyumba eno okununulibwa okw'omubiri oluvannyuma lw'emmeeme ng'emaze okununulibwa. Kituwe, Mukama.

Leka badduke okuva mu bibiina by'eddini era n'ebigunje. Katonda, ebweru eyo mu bikwate ebyo era n'ebibiina by'amadiini nsisinkanye abamu ku b'oluganda abalungi ennyo. Era, Katonda wange, nnyinza kukyogera ntya nti bajja kulaba, era mbaletere okulaba Ekigambo? Kintawaanya. Naye mmanyi, nate, nti wagamba nti, "Tewali muntu ayinza kujja," sinsonga mulungi atya, muwombeefu atya, mukkakkamu atya, "okuggyako Kitange ng'Amuwaludde". Era bona Kitange be Yampa, balijja." Era Mukama, mpulira nga buvunaayizibwa bwange okwogera amazima.

Era si nga Pawulo bwe yagamba nti, "Bakwata Ekigambo kya Katonda n'obukuusa," nga kitabuddwaamu ebigunje by'ebibiina by'amadiini, era ng'omuti ogutabuddwaamu okumanya obulungi n'obubi; naye wamu n'omutima omuggule n'Omwoyo Omutukuvu. Kituwe, Katonda wange. Lokola buli omu.

106 Kaakano nga tukotese emitwe gyaffe era nga tuzibirizza ne ku amaaso gaffe. Era si eri nze. . . sisobola kukyogera mu ngeri eno, "Nze tekinkolera njawulo oba mu kikola oba nedda." Nze kinkolera enjawulo. Mbaagala. Era nsuubira nti mulowooza kubanga nnina okwogera n'obukambwe. . . nga Pawulo bwe yagamba nti, "Nnandiyagedde okubeera awo nammwe, era nnandikyusiza embeera zange." Tekyali nti yali tabaagala; yali abaagala. Si. . . nga Yesu yali alina okubanenya, ate amale abafiirire. Mulaba, "Kitange basonyiwe, basonyiwe; n'okumanya tebamanyi kye bakola." Okulowooza, Omwana w'omuntu ayagala kubeara omutuufu, era ng'agezaako okuba omtuufu, n'okulaba nti Setaani. . . oyo gwe nnwanisa, oyo azibye amaaso g'abantu.

107 Eggwanga lino liteekeddwa okuba nga libumbujja n'ekitiibwa kya Katonda, okulaba kino ekirituuseeko mu nnaku zino ez'oluvannyuma, zino ez'oluvanyuma. Lwaki okudda obugya kuno tekukuba nsi zino ezikaddiye? Wano ze mballama z'Ebugwanjuba, Ebuvanjuba awasembayo gy'osobola okugenda. Kaakano omuziziko gw'ekibi gubwatuse wansi ku ntobo y'ensi, era ali mu kubbira; ebifo, nga Los Angeles ne Hollywood, bibbira yinchi nnyingi nnyo buli ssaawa, tewaliwo engeri yakuiyimirizaamu. Weewaawo, tuli wano. essaawa yonna tujja kuwulira okuyitibwa. Bwe muba ng'ekyo mu kimanyi. . .

Kaakano tewabeerawo muntu atunula. Naye bw'oba omanyi, okuva mu mutima gwo. Mbasaba. Sisobola kumanya mutima gwo, okuggyako nga Katonda Akimbkulidde. Naye okuva ku mutima gwo, bw'oba ng'olaba nti toli awo w'oteekeddwa kuba ne Katonda n'Ekgambo Kye, mu kukkiriza, oyinza okuwanika omukono gwo gy'Ali, omugambe nti, "Mukama, nnyamba." Oh Katonda wange! okuva mu kkanisa eno, ejjude, ejjudde okwetoloola ebisenge, munda n'ebweru, mu buliwo nkumi na nkumi

ez'emikono, oba oli awo emikono ebikumi bibiri egowanikiddwa. Mwebale olw'obwesimbu bwammwe.

108 Ow'omukwano Yesu, toganya n'omu okubula. Ng'omuweereza Wo, ayimiriira wakati w'abalamu n'abafu, nga mbasongera, n'olugalo, eri Ekigambo kya Katonda. sisobola kubalokola, Mukama, naye baagala okulokolebwa. Era Kitange, nga bwe njogeddenga emirundi emingi, enjuba evaayo ku makya; era nga bwe vaayo mu nsi yonna, esindikibwa Katonda okwengeza ensigo, okukola emmere ey'abalamu. Naye, ai Katonda, Wagamba nti, "Eri abo abatya erinnya Lye Enjuba ey'obutuukirivu ejja kubaviiroyo ng'erina okuwonya mu biwaawaatiro byayo." Leka Omwana ow'obutuukirivu, Ekigambo kya Katonda, Aveeyo mu mitima gy'abantu, era leka amagulu ag'okukkiriza mu Kigambo gawonye buli bujeemu eri Ekigambo, era gabaleete okutuusa mu bulamba bw'abaana ba Katonda ab'obulenzi n'abobuwala.

Babo, Mukama. Mu Linnya lya Yesu Kristo, abo abali wano n'abali ku mpewo, mbawaayo bona abo abagolodde emikono gyabwe gy'Oli olw'obulokozi bw'emmeeme zaabwe. Amiina.

Eyo emmeeme yange lw'erizuula (wa? ku Kyoto kino) okwuwummula eyo

(olw'okukkiriza ntunula eyo gye njenda) mu musaalaba, (eyo Ekigambo gye kiwanikiddwa) . . . Omusaalaba,

Beera kitibwa kyange bulijo;

Okutuusa emmeeme yange lw'eriwummula emitala w'omugga.

Yesu, Onkuumire kumpi. . .(awo, okukomererwa wamu naye, sirina kintu kyonna eky'ensi kye njagala. Nkuuma nga nkomereddwa.)

Waliwo ensulo ey'omuwendo,

Ya bwerere eri bona, ensulo ewonya,

Ng'eva e Kalivaaliyo.

Mu Musaalaba gwo, mu Musaalaba gwo,

gye nteeka ekitiibwa; (Leka tumuwanikire emikono gyaffe) bulijo;

Okutuusa emmeeme yange lw'eriwummula eyo emitala w'omugga.

109 [ow'Oluganda Branham n'ayogera n'abayimbi kaakati -Omuk. "Nsobola okuwulira Omulokozi wange ng'ampita."

Kunuukiriza obeereko omukono gw'omuntu gw'okwata era omugambe nti, "Katonda Akuwe omukisa, Mukristaayo."

[ow'Oluganda Branham n'ayogera nate n'abayimbi -Omuk.] "Nsobola okuwulira Omulokozi wange ng'ampita."

Muwulira Okubeerawo Kwe? [Ekibiina kigamba nti, "Amiina." -Omuk.]

Ebweru eyo abali ku mpuliziganya y'okumasimu, m mwena mukwateeko mu ngalo za bannammwe ebweru eyo, era mugambe nti, "Katonda Akuwe omukisa, Mukristaayo."

110 Mumanyi, waliwo akadiba k'amazzi emabega wano. Atwala abantu abambadde Erinnya Lye. Bw'oba tobatizibwanga mu Linnya lya Yesu Kristo olw'okuggibwako ebibi byo, waliwo akadiba, waliwo eby'okwambala, waliwo omusajja ayimiridde eyetegese. Tukwaniriza, bw'oba nga mazima ddala okkiriza Yesu okuba Omulokozi wo era ng'okkiriza nti ago ge Mazima.

Mujjukire, tewabangawo muntu mu Baibuli, oba mukiseera kyonna ng'ekkanisa y'Abakatoliki tennatandika, eyali abatiziddwa mu ngeri endala yonna etali mu Linnya lya Yesu Kristo. Tewaliwo kifo kyonna kisangibwa mu Byawandiikibwa, oba mu byafaayo, omuntu yenna eyali abatiziddwa, okuyingira mu kkanisa ya Katonda omulamu, mu Linnya ly'ebitiibwa bya "Kitaffe, Omwana, n'Omwoyo Omutukuvu." Ekyo kigunje ky'Abakatoliki, era sinjigiriza ya Baibuli.

111 Nnali mbuuzibwa kabona ebibuuzo, ekyo ne nkimbuuza. N'agamba nti, "Ago ge mazima. Naye ffe kkanisa; tusobola okukyusa kyonna kye twagala. Obuyinza obwenkomeredde buli mu kkanisa. Katonda ali mu kkanisa Ye."

Ne njamba nti, "Katonda ali mu Kigambo Kye. Era ekkanisa bw'eba eri..." Ne njamba nti, "Katonda ky'Ekigambo. Era ekkanisa bw'eba ng'ekontana n'Ekigambo, awo ekkanisa sigikkiririzaamu."

Ndeka ekigambo kya buli muntu okuba obulimba, oba kya kabona, ppaapa, kyonna ky'ayinza okuba, era Ekigambo kya Katonda kibeere amazima.

Ne Pawulo yaleetera buli muntu, sinsonga yabatizibwa mu ngeri etya, bw'aba nga teyabatizibwa mu Linnya iya Yesu Kristo, okuddamu abatizibwe nate.

N'abamu abaali bamaze okufuna Omwoyo Omutukuvu, Peetero n'agamba nti, "Tuyinza okugaana amazzi bano okubatizibwa, nga tulaba nti nabo bafunye Omwoyo Omutukuvu nga ffe bwe twali ku..." Era n'abalagira, "Nga temunnava mu kifo kino, yadde nga mufunye Omwoyo Omutukuvu, mujje mubatizibwe mu Linnya iya Yesu Kristo."

Kubanga, Peteero ye yaweebwa ebisumuluzo by'Obwakabaka, ng'agambibwa nti, "Kyonna ky'onasibanga ku nsi, nja kukisiba mu Ggulu." Era ekisumuluzo kikola ki? Kirina kye kisumulula, ekyama.

112 Era Yesu bwe Yagamba nti, "Mugende, mubabatize mu Linnya iya Kitaffe, n'Omwana, n'Omwoyo Omutukuvu," ekyo yakiteekawo okuziba amaaso g'abatakkiriza.

Mulabe! Lwaki ekyo Peteero teyakikola, kigambo ku kigambo? Yali ateededdwa.

Omuntu singa abatizibwa mu bitiibwa, "Kitaffe, Mwana, n'Omwoyo Omutukuvu," aba tabatizibwangako yadde; aba talina Linnya. *Kitaffe si linnya, Omwana si linnya, era ne Mwoyo Mutukuvu si linnya. Omwoyo mutukuvu ekyo ky'Ali; nga, nze ndi muntu. Ye Mwoyo Mutukuvu.*

Kitaffe kitiibwa; ndi taata. Mwana kitiibwa; nze ndi mwana. Omuntu kitiibwa; ekyo kye ndi. Naye erinnya lyange nze William Branham.

Era erinnya iya Kitaffe, Omwana, n'Omwoyo Omutukuvu ly'erinnya iya "Yesu Kristo." Yesu yagamba nti, "Nnaja mu Linnya iya Kitange." Erinnya iya Kitaffe lye liriwa? Omutabani yenna ajjira mu linnya iya Kitaawe. Era erinnya iya Kitaawe ye Yesu Kristo. Mulaba? Mulaba kye ntegeeza?

113 Singa nkutuma oserengete wammanga, obeeko ky'onfunira okuva ku dduuka emmanga wano, mu Linnya iya mmeeya w'ekibuga. Bameka abamanyi mmeeya w'ekibuga? Mukwano gwange omulungi, Rich Vissing. Kale, toyinza kugenda wamanga eyo n'ogamba nti "Mu linnya iya mmeeya w'ekibuga." Ogamba nti, "Mu linnya iya Rich Vissing." Bantu mmwe aba wano mu Jeffersonville mumumanyi yani.

Era eyo y'ensonga yagamba nti, "Kitange, Omwana, n'Omwoyo Omutukuvu." Mu ye mmwe muli obwa Katonda, obulamba bwa Katonda mu mubiri. Yagamba nti, "Nga mubabatiziza mu Linnnya iya Kitaffe, n'Omwana, n'Omwoyo Omutukuvu."

Peteero ng'ayimiridde awo n'okubikkulirwa kwe yazimba ekkanisa, ku ekyo kye yali, yagamba nti, "Mwenenye, buli muntu mu mmwe, mubatizibwe okuyingira mu Linnya iya Yesu Kristo." Era ebisumuluzo tebikyusibwanga mu Ggulu ne munsi. "Tewaliwo linnya ddala lyonna wansi w'eggulu ery'aweebwa abantu eritugwanira okulokolebwa."

114 Lwaki mubatiza mu Linnya iya Yesu Kristo? Olw'okuggibwaako ebibi. "Rbibi byonna bye mulisonyiwa, eri abo nga bibasonryiyiddwa." Mulaba? Naye bwe muba nga temulowooza nti kigwanidde era kisaanidde okubatizibwa, kati awo temukikola. Kubanga, bwe mukikola, ekyo kye kikikola, mulaba. Mutegeera kye ntegeeza?

Nsobola okuwulira Omulokozi wange (Ekigambo) ng'Ayita, (ng'Ayita wansi eyo mu magombe)

Nsobola. . .(toofe wamu nange, awo nno osobole okuzuukira nange?"). . .ng'Ayita

Nsobola okuwulira Omulokozi wange ng'Ayita, (ensi kiki ky'legenda okwogera?)

"Kwata omusaalaba gwo, ongoberere, goberera. . ."

Kaakano, bw'oba tobaddde:

Eyo Ye (Ye Ye kigambo) gy'Anankulembra. . .(ekidiba kiikyo)

Yonna gy'Anankulembra nja kugoberera,

Yonna gy'Anankulembra nja kugoberera,

Nja kugenda wamu naye, wamu naye yonna

Leka tukoteke emitwe gyaffe.

115 Katonda Omwagalwa, ekidiba kitegekeddwa. Kaakano eri emitima, Mukama. Leka bawulire Kristo, Ekigambo, ng'Abayita, era bagende wamu naye okutuuka yonna.

"Nja kugenda naye okuyita mu lusuku. Nja kugenda naye eri ekidiba. Nja kwongerayo Erinnya Lye. Njagala kubeera omu ku bantu abayita Erinnya Lye. Nja kukkirirza Ekigambo Kye. Nja kugoberera, sirisaaga na nsi. Nja kubeera w'amazima, Omugole ayogerezebwa. Sijja kuva yadde ku katonnyeze

k'Ekgambo Kye. Buli kusaba kwonna, nja kubeera w'amazima, Omugole ow'amazima. Byonna by'ansaba okukola, ebyo nja kubikola.

"Omwami wange ajja bw'aba ng'Ayagala ndeke enviiri zange zikule, nja kukikola. Bw'aba Ayagala neggyeko ebirangi bino byonna, nja kukikola. Bw'aba Ayagala. . . bw'anjambla nti mwoyo mubi, omubi nga gwe nsaaga nagwo, na buno obugoye obufaanana obw'ekikaba; nja kukikola, nja kubwambulamu. Sifaayo kiki omuntu omulala yenna ky'agamba, nja kubwambulamu.

Bw'aba Ayagala nve mu kibinja ekyo kyendimu, eky'abatakkiriza, nja kukikola; yadde nga mwe nfunu ak'okulya kange, oba kyonna kye kiri. Yansuubiza nti tali ndeka newankubadde okunjabolira. Nja kukikola. Nja kugenda naye yonna. Ayagala mbatizibwe mu Linnya Lye, nja kukikola."

Mukama, Wakisuubiza mu Kigambo Kyo wano, ekyo kye Wali Oyagala. Leka buli muntu akirabe, Mukama, era mu buwoomu, mu buwombeefu nkivunnamira. Mu Linnya lya Yesu nsabye. Amiina.

116 Oli wa Katonda. Ieka Katonda Atwale ebigambo ebitono ebimenyeddwa era abifuule byaddala gy'oli, eyo y'essaala yange ey'obwesimbu. Ekidiba kigenda kubeera kitegekeddwa. Omuntu yenna ayagala okujja, balina. . . omuwereza ajja kukiranga mu maaso ko. Omuntu yenna ey'eneyezza era ng'ayagala okubatizibwa, ng'akozesa Erinya Lya Yesu Kristo, jjangu wano mu maaso. Buli kimu kyateekeddwateekeddwa dda. "Ebantu byonna biteekeddwateekeddwa." Byonna bye tusobola okukola okukuyamba okubeerawo ku lwa Katonda, tuli wano okubikola. Katonda Abawe omukisa.

Kaakano katuyimirire ku bigere byaffe. Kaakati akayimba kaffe akatono, *Mmwagala*. "Mmwagala kubanga Ye yasooka okunjagala." Leka tuluyimbe, buli muntu yenna kaakano.

Mmwagala, . . .

Leka tuwanike emikono gyaffe nga bwe tuluyimba

. . . Mmwagala

Kubanga Ye yasooka okunjagala

Era n'Angulira Obulokozi bwange

Ku muti e Kalivaaliyo.

Ng'emite gyaffe n'emitema gyaffe tugikotese kaakati, leka tulumumuumunyize.

[ow'Oluganda Branham atandika okuwuna *Mmwagala* -Omuk.]

Mmwagala.

[ow'Oluganda Branham ne yeeyongera nga bw'awuuna *Mmwagala* -Omuk.]

Oh, Katonda, Kitaffe, tukwatire ekisa ffe ebitonde ebinaku, Mukama. Tuwe amaanyi olw'omulimu oguli mu maaso gaffe. Nnyamba, ai Katonda, nnyamba!

Mpulira nga waliwo ekikyali wano, Kitange. Nnyamba, ai Katonda, okumanya Amazima. Wa abantu bano omukisa, Katonda Omwagalwa. Nsaba Obakulembere, mu Linya lya Yesu.

Kaakano nga tukyakotese emitwe gyaffe, njenda kusaba omusumba wa wano, ow'Oluganda Neville, muganda waffe ow'omuwendo, ajje waggulu wano kaakano era ayogere by'agenda okwogera, oba. . . ku kubatizibwa. Nnyinza okukiranga ekyo. Ndowooza ekidiba kiggule.



Byabuulirwa
William Marrion Branham
"...mu nnaku z'eddoboozi..." Kub. 10:7